

影宋蜀本駱賓王文集

華陽高世異題箋



840.95

駱賓王文集
十卷

宋蜀本重雕

駱賓王文集序

魯國郝雲卿

駱賓王婺州義烏人也年七歲能屬文高宗朝與盧照隣楊炯王勃文詞齊名海內稱焉號為四傑亦云盧駱楊王四才子仕至侍御史後以天后即位頗貢章疏諷諫因斯得罪貶授臨海丞文明中與嗣業於廣陵共謀起義兵事既不捷因致逃遁遂致文集悉皆散失後中宗朝降勅搜訪賓王詩筆令雲卿集焉所載者即當時之遺漏凡十卷此集並是家藏者亦足傳諸好事



序

畢伯南
楊周九

駱賓王文集目錄

駱

賓王 附唐書王勃傳不載字
又藝文志亦闕

第一卷

賦頌

螢火賦

蕩子從軍賦

靈泉頌

第二卷

詩

遊德州贈高四

紫雲觀贈道士

贈宋五之問

浮查

在獄詠蟬

艷情代郭氏答盧照鄰

賓王

代女道士王靈妃贈道士李榮

第三卷

詩

春霽早行

秋日山行

晚渡天山

晚泊河曲

晚泊蒲類

晚渡黃河

早發淮口

渡瓜步派

遠使春夜多懷

晚泊江鎮

早發諸暨

途中有懷

晚憩田家

宿山莊

出石門

至分陔



至分水戍

過張平子墓

北眺春陵

望鄉夕泛

久客臨海有懷

逢孔君

西京守歲

海曲書情

行軍行路難

邊城落日

蓬萊鎮

在軍登城樓

宿溫城望軍營

白雲抱幽石

秋日卧病

題七級

春雲處處生

早秋出塞

鄭安陽入蜀

第四卷

詩

軍中贈知己

酬思玄上人林泉四首

憶張二

和李明府

望月有所思

對雪憶謝二

送陳文林

送鄭少府入遼

送費六還蜀

別侯四

送尹大赴京

送闕五

送吳七遊蜀

送王明府上京

秋日送別

易水送人

別詳正學士

別李嶠得勝

餞宋五

遊開道林故山

遊靈公觀

夏日遊山家

春日遊陟山寺

冬日野望

夏日遊目

曉初登樓思京

登司馬樓宴

初於六宅宴

韋明府宅宴

冬日宴

鏤鷄子

詠雲酒

詠美人

夕次舊吳

過故宋

第五卷

詩

傷祝阿王明府

詠懷古意

目

三

吳大根

詠懷

邊夜有懷

邊城懷京邑

幽繫書情

寒夜獨坐

憲臺出繫有懷

月夜有懷

叙寄負半千

憶蜀地佳人

送郭少府

餞駱四

宋五之問

過任處士書齋

塵灰

秋晨同詠

秋雲

秋蟬

秋露

秋月

秋水

秋螢

秋菊

秋鴈

詠照

挑燈杖

詠水

詠鴈

詠雪

詠塵

掉歌行

王昭君

翫初月

詠鵝

第六卷

表啓

請陪封禪表

和道士閨情詩啓

上帝京篇啓

上太常伯啓

上李少常啓

上兖州啓

目

四

上崔長史啓

上張司馬啓

第七卷

啓書

上廉使啓

上韋明府啓

上郭贊府啓

上梁明府啓

上裴侍郎書

與程將軍書

荅貞半千書

與博昌父老書

與親情書

第八卷

雜著

李長史宅宴序

王司馬樓宴序

冒雨尋菊序

楚國寺宴序

寶六郎宅宴序

餞宋三之豐城詩序

送闔五序

餞尹大往京序

餞陸道士序

送益府叅軍序

餞麴錄事序

餞李八詩序

看競渡序

與群公宴序

對策文三道

第九卷

雜著

帝京篇

疇昔篇

破逆賊露布

破設蒙儉露布

目

五

吳大捨
大根

第十卷

雜著

代李劬業檄

應詰

自叙狀

祭趙郎將文

樂大夫挽歌五首
丹陽刺史挽歌三首

駱賓王文集目錄畢

嘉慶丙子歲夏閏六月

月石研齋秦氏重刊

駱賓王文集卷第一

賦頌

螢火賦

蕩子從軍賦

靈泉頌

螢火賦

余猥以明時久遭幽繫見一葉之已落知四運之將終悽然客之爲心乎悲哉秋之爲氣也光陰無幾時事如何大塊是勞生之機小智非周身之防嗟乎緜袍匪舊白首如新誰明公冶之非孰辨臧倉之愬是用中宵而作達旦不瞑覩茲流螢之自明哀此覆盆之難照夫類同而心異者龍蹲歸而宋樹伐質殊而

賓一

一

鄭祥林
吳世承

聲合者魚形出而吳石鳴苟有會於精靈夫何患於異類况乘時而變含氣而生雖造化之不殊亦昆蟲之一物應節不憊信也與物不覺仁也逢昏不昧智也避日不明義也臨危不懼勇也事有公情而動興因物而多懷感而賦之聊以自廣云耳

伊夕功之播氣有丹鳥之賦象順陰陽而亭毒資變化而含養每寒潛而暑至若知來而藏往旣發揮以外融亦含光而內朗若夫小暑南收大火西流林塘改夏雲物迎秋忽凌虛而赴遠乍排叢而出幽均火齊之宵映如夜光之暗投逝將歸而未返忽欲去而中留入槐榆而焰發若改燧而中環周繞堂皇而影



泛疑秉燭以嬉遊點綴懸珠之網隱映落星之樓乍滅乍興或聚或散居無定所習無常翫曳影周流飄光凌亂泛艷乎池沼徘徊乎林岸狀火井之沉熒似明珠之出漢值衝飈之不烈逢淫雨而逾煥炤灼若湛盧之夜飛的皪兮像招搖之夕爛與庭燎而相炫然重陰於已昏共爝火而齊息避太陽於始旦尔其光不周物明足自資偶仙鼠而伺夜對飛蛾之赴嬉類君子之有道入暗室而不欺同至人之無迹懷明義以應時處幽不昧居照斯晦隨隱顯而動息候昏明而進退委性命兮幽玄任物理兮推遷化腐木而含彩集枯草而藏煙不貪熱以苟進每和光而曲

頁一

二

鄧祥林
吳世水

全豈如鎔金而自爍寧學膏火之相煎陋蟬蛻之習蛻怵螻蟻之慕羶匪傷蜉蝣之夕不羨龜鶴之年搶榆飛而控地搏扶起而垂天雖小大之殊品豈逍遙之異筌夫何化之斯化無使然而自然若乃有來斯通無往不至排朱門而獨遠昇青雲而自致匪偷光於鄰壁寧假輝於陽燧終徇己以致能靡因人而成事物有感而情動迹或均而心異響必應之於同聲道固求之於同類始未明於趨捨庸詎識其指意子尚不知魚之爲樂吾又安能知螢之爲利高明兮有融遷變兮無窮牛哀條而化虎羽泉忽兮生熊血三年而藏碧魂一變而成虹知戰場之有燐悟冤獄之

爲蟲彼翾飛之質弱尚矯翼之凌空何微生之多躡
獨宛頸以觸籠異壁光之照廡同劍影之埋豐覲道
迷而可復庶幽鑿而或通覽光華而自照顧形影以
相弔感秋夕以殷憂懃宵行以熠耀熠耀飛兮絕復
連殷憂積兮明且煎見流光之不息愴驚魂之屢遷
如過隙之已來同奔電兮忽焉儻餘光之可照庶寒
灰之重然

蕩子從軍賦

胡兵十萬起妖氛漢騎三千掃陣雲隱隱地中鳴戰
鼓迢迢天上出將軍邊沙遠雜風塵氣塞草長萎霜
露文蕩子辛苦十年行回首關山萬里情遠天橫劍

賔一

三

鄭祥林
吳世永

氣邊地聚笳聲鐵騎朝常警銅焦夜不鳴抗左賢而
列陣比右枝以䟽營滄波積凍連蒲海雨雪凝寒遍
柳城若乃地分亥徵路拍青波邊城暖氣從來少關
塞寒雲本自多嚴風懍懍將軍樹苦霧蒼蒼太史河
旣拔距而從軍且揚麾而挑戰征旆凌沙漠戎衣犯
霜霰樓舡一舉爭沸騰烽火四連相隱見戈文耿耿
懸落星馬足駸駸擁飛電終取俊而先鳴豈論功而
後殿征夫行樂踐榆溪倡婦銜怨坐空閨蘼蕪舊曲
終難贈芍藥新詩豈易題池前怯對鴛鴦伴庭際羞
看桃李蹊花有情而獨笑鳥無情而恒啼蕩子別來
年月久賤妾空閨更難守鳳凰樓上罷吹簫鸚鵡杯

中臨勸酒聞道書來一鴈飛此時緘怨下鳴機裁駕
帖夜被薰麝染春衣屏風宛轉蓮花帳窻月聆隴翡
翠帷箇日新粧如復罷祗應含笑待君歸

靈泉頌

聞夫玄功幽贊靈心以有德是親至道冥符篤行以
通仁爲本若乃天經地義色養叶於因心夏清冬溫
愛敬引於錫類下逮六幽之奧上洞三光之精不有
至誠孰云斯感有廣平宋思禮字過庭皇朝末州刺
史昉之嫡孫戶部員外順之長子幼丁徧罰早喪慈
親永懷鞠養之恩長增思慕之痛弱不好弄長而能
賢趨庭聞詩禮之風承宗勗曾閔之行事後母徐以

贊一

四

鄭祥林
吳世平

至孝聞北面興悲泣高堂而咎己東遊下位歡微祿
以逮親調露二年來佐百里俯就微班之列將申返
哺之情竚立身其若斯於從政乎何遠時歲亢旱金
石行銷環近川源殆將湮絕濬井皆爲湯谷通波盡
化汙池太夫人在遲暮之年有溫勞之疾非濫漿不
可以適口非源泉不可以蠲痾色養旣虧憂惶靡訴
俄而廳階之下忽清泉而自生因疏導其源遂流注
不竭味甘若醴氣冷如冰此邑城控剡山地連禹穴
基址多石崗阜無津爰自興建已來曾微穿汲之利
非精誠貫於有道純志決於無和孰能洽冥貺以通
幽導靈泉而致養者也昔漢臣忠烈窮井飛於一言

姜婦孝思潛波移於七里靜惟陳迹彼亦何人蕭縣尉柳冕耿介之士也道外則金蘭若膠漆情異則軒冕猶埃塵片善可嘉朝聞甘於夕死一諾猶重黃金賤於白珪以爲執友素交豈祿利輕肥之謂也賞音達禮非鍾鼓玉帛之云乎所耻者歿而無稱所貴者存乎不朽徒懷羨志未遇良材某出贊荒隅途經勝壤三秋客恨長懷宋玉之悲一面交歡暫雪桓譚之涕觀斯水之清泚感若人之精誠見賢思齊仰珪璋而有地揮毫興頌鏤琬琰之無慙乃作頌曰
粵若稽古厥初生民其誰不孝獨我難倫義不存道仁不遺親愛敬盡力孝悌通神

賓一

五

鄭祥林
吳世承

願我恩極因心感至冥契動天甘泉湧地泠泠無竭
蒸蒸不匱曾是我思永錫爾類

爰有猗人景行芳塵事諧則感道洽斯親孝爲禮主
名是實賓儻斯文之不墜知盛德之有鄰

駱賓王文集卷第一

駱賓王文集卷第二

雜詩

遊德州贈高四

紫雲觀贈道士

贈宋五之問

浮查

在獄詠蟬

代郭氏答盧照鄰

代贈道士李榮

夏日遊德州贈高四并序

夫在心爲志發言爲詩書有不得盡言言有不得盡意僕少負不羈長逾虛誕讀書頗存涉獵學劍不待窮工進不能矯翰龍雲退不能棲神豹霧撫循諸已深覺勞生而太夫人在堂義湏捧檄因仰長安而就

賓二

一

畢懷寬
穆允忠

日赴帝鄉以望雲雖文闡三冬而書勞十上嗟乎入門自媚誰相謂言致使君門隔於九重中堂遠於千里旣而交非得免路是亡羊幸當斂止弊廬竭來初服遂得載披玉葉欵洽金蘭傾意氣於一言締風期於千祀雖交因氣合資得意以敦交道契言忘少寄言而筌道是以輕投木李以代踈麻章句繁蕪心神媿慙庶瞻雅韻竚辱報章則覬耀連星開龍文於劍匣素輝虧月頻驪頷於珠胎云尔

日觀鄰全趙星臨俯舊吳隔津開巨寢稽阜鎮名都紫雲浮劍匣青山孕寶符封壇恢霸道問鼎覓雄圖神光包四大皇威震八區風煙通地軸星象正天樞



天樞限南北地軸殊鄉國關門通舜賓比屋封堯德
言謝垂鈎隱來參負鼎職天子不見知群公詎相識
未展從東駿空戰圖南翼時命欲何言撫膺長歎息
歎息將如何遊人意氣多白雲梁山曲寒風易水歌
泣魏傷吳起思趙切廉頗淒斷韓王劍生死翟公羅
羅■翟公意劍負韓王氣驕餌去易淪歧途良可畏
夙昔懷江海平生混涇渭千載契風雲一言忘賤貴
去去訪林泉空谷有遺賢言投爵里刺來泛野人舡
締交君贈縞投分我忘筌成風郢匠斷流水伯牙絃
牙絃忘道術漳濱恣閑逸聊安張蔚廬詎掃陳蕃室
虛室狎招尋敬愛混浮沉一諾黃金信三復白珪心

賔二

二

畢懷寬
穆允忠

霜松貞雅節月桂朗冲襟靈臺萬頃濬學府九流深
談玄明毀壁拾紫陋籟金鷲濤開碧海鳳彩綴詞林
林虛星華映水澈霞光淨霞水兩分紅川源四望通
霧卷天山靜煙銷太史空鳥聲流迥薄螭影亂芳叢
柳陰伍塹水荷氣上薰風風月芳菲節物華紛可悅
將歡促席賞遽輒言歸別積水帶吳門通波連禹穴
贈言雖欲盡機心庶應絕潘岳本自閑梁鴻不因熱
一瓢欣狎道三月聊棲拙棲拙隱金華狎道訪仙查
放曠愚公谷消散野人家一頃南山豆五色東陵瓜
野衣栽薜茑山酒酌藤花白雲離望遠青溪隱路賒
儻憶幽巖桂猶冀折踈麻

於紫雲觀贈道士并序

余鄉國一辭江山萬里昔年離別還同塞北之鳧今
日歸來即似遼東之鶴先生情均得免忘筌之契已
深路是亡羊分歧之恨逾切不題短什何汰衷襟乎
碧落澄秋景玄門啓曙開人疑列禦至客似令威還
羽蓋徒欣仰雲車未可攀只應傾玉醴時許寄顏顏
在江南贈宋五之問

井絡雙源瀆陽侯九派長淪波通地穴委輸下歸塘
別島籠朝蜃蜃連洲擁夕漲韞珠成積潤讓壁動浮光
浮光疑折水積潤踈圓汜玉輪涵地開劔匣連星起
風煙標迥秀英靈信多美懷德踐遺芳端操慙謀已

復二

三

畢懷忠
穆名忠

謀已謬觀光牽迹強恓惶揆拙迷三省勞生昧兩忘
彈隨空被笑獻楚自多傷一朝殊默語千里暴炎涼
炎涼幾遷賀川陸疲臻湊積水架吳濤連山橫楚岫
風月雖殊昔星河猶是舊姑蘇望南浦邯鄲通北走
北走平生親南浦別離津瀟湘一超忽洞庭多苦辛
秋江無綠芷寒汀有白蘋采之將何遺故人漳水濱
漳濱已遼遠江潭未旋返爲聽短歌行當想長洲苑
露金薰菊岸風珮搖蘭坂蟬鳴稻葉秋鴈起蘆花晚
晚秋雲日明亭臯風霧清獨負平生氣空牽搖落情
占星非聚德夢月詎懸名寂寥傷楚奏淒斷泣秦聲
秦聲懷舊里楚奏悲無已郢路少知音叢臺富奇士

溫輝凌愛日壯氣驚寒水一顧重風雲三冬足文史
文史盛紛綸京洛多風塵猶輕五車富未重一囊貧
李仙非易託蘇鬼曲難因不惜勞歌盡誰為聽陽春

浮查 并序

遊目川上覩一浮查泛泛然若木偶之乘流迷不知
其所適也觀其根柢盤屈枝幹扶踈大則有棟梁舟
楫之材小則有輪軸榱桷之用非夫稟乾坤之秀氣
含宇宙之淳精孰能負凌雲槩日之姿抱積雪封霜
之骨向使懷材幽藪藏穎重巖絕望於巖廊之榮遺
形於斤斧之患固可垂蔭萬畝懸映九霄與建木較
其短長將大椿齊其年壽者而委根險岸託質畏途

賞二

四

畢以忠
穆允忠

上為疾風衝颺所摧殘下為奔浪迅波所激射基由
壤括勢以地危豈盛衰之理繫乎時封植之道存乎
我一墜泉谷萬里飄淪與波浮沉隨時逝止雖殷仲
文歎生意已盡孔宣父知朽質難彫然而遇良工逢
仙客牛礪可託玉璜之路非遙匠石先談萬乘之器
何遠故材與不用時也悲夫然知萬物之相應感者
亦奚必同聲同氣而已哉感而賦詩貽諸同疾云尔
昔負千尋質高臨九仞峯貞心凌晚桂勁節掩寒松
忽值風颺折坐為波浪衝摧殘空有恨擁腫遂無庸
渤海三千里泥沙幾萬重似舟飄不定如梗泛何從
仙客終難託良工豈易逢徒懷萬乘器誰為一先容

在獄詠蟬并序

余禁所禁垣西是法廳事也有古槐數株焉雖生意可知同艸仲文之古樹聽訟斯在即周邵伯之甘棠每至夕照低陰秋蟬踈引發聲幽息有切嘗聞豈人心異於曩時將蟲響悲於前聽嗟乎聲以動容德以象賢故絜其身也稟君子達人之高行蛻其皮也有仙都羽化之靈姿候時而來順陰陽之數應節爲變審藏用之機有目斯開不以道昏而昧其視有翼自薄不以俗厚而易其真吟喬樹之微風韻資天縱飲高秋之墜露清畏人知僕失路艱虞遭時微纒不哀傷而自怨未搖落而先衰聞蟋蟀之流聲悞平反之

賔二

五

畢紹南
楊周九

已奏見螿娘之抱影怯危機之未安感而綴詩貼諸知己庶情洽物應哀弱羽之飄零道寄人知憫餘聲之寂寞非謂文墨取代幽憂云尔

西陸蟬聲唱南冠客思侵
邠堪玄鬢影來對白頭吟
露重飛難進風多響易沉
无人信高潔誰爲表予心

艷情代郭氏荅盧照鄰

迢迢芊路望芝田
眇眇函關恨蜀川
歸雲已落涪江外
還鴈應過洛水堙
洛水傍連帝城側
帝宅層甍垂鳳翼
銅駝路上柳千條
金谷園中花幾色
柳葉園花處處新
洛陽桃李應芳春
妾向雙流窺石鏡
君住三川守玉人
此時離別邠堪道
此日空牀對芳沼
芳沼

徒遊比目魚幽徑還生拔心草流風迴雪儻便妍驥
子魚文實可憐擲果河陽君有分貨酒成都妾亦然
莫言貧賤無人重莫言富貴應湏種綠珠猶得石崇
怜飛鷺曾經漢皇寵良人何處醉縱橫直如循默守
空名倒提新縑成慊慊翻將故劍作平平離前吉夢
成蘭兆別後啼痕上竹生別日分明相約束已取宜
家成誠最當時擬弄掌中珠豈謂先摧庭際玉悲鳴
五里無人問腸斷三聲誰爲續思君欲坐望夫臺端
居懶聽將鷓曲沉沉落日向山低簷前歸鷺並頭栖
抱膝當窻看夕兔側耳空房聽晚雞舞蛛臨階祗自
舞啼鳥逢人亦助啼獨坐傷孤枕春來悲更甚峨眉

賈二

六

畢紹南
揚原九

山上月如眉濯錦江中霞似錦錦字迴文欲贈君劍
壁層峯自糾紛平江淼淼分青浦長路悠悠間白雲
也知京洛多佳麗也知山岫遙麴蔽無那短封即踈
索不在長情守期契傳聞織女對牽牛相望重河隔
淺流誰分迢迢經兩歲誰能脉脉待三秋情知唾井
終無理情知覆水也難收不復下山能借問更向盧
家字莫愁

代女道士王靈妃贈道士李榮

玄都五府風塵絕絕碧海三山波浪深桃實千年非易
待桑田一變已難尋別有仙居對三市金闈銀宮相
向起臺前鏡裏伴仙娥樓上簫聲隨鳳史鳳樓迢遞

絕塵埃鷲時物色正徘徊靈芝紫檢參差長仙桂丹
花重疊開雙童綽約時遊陟三鳥聯翩報消息盡言
真侶出遨遊傳道風光無限極輕花委砌惹裾香殘
月窺窻覘黃色箇時無數併妖妍箇裏無窮摠可怜
別有衆中稱黜帝天上人間少流例洛濱仙駕啓遙
源淮浦靈津符遠筮自言少小慕幽玄只言容易得
神仙佩中邀勒經時序簫裏尋思復幾年尋思許事
真情變二八容華識少選漫道燒丹止七飛空傳化
石曾三轉寄語天上弄機人寄語河邊值查客乍可
恣恣共百年誰使遙遙期七夕想知人意自相尋果
得深心共一心一心一意無窮已投漆投膠非足擬

賀二

七

畢伯南
楊用九

只將羞澁當風流持此相怜保終始始相怜相念倍相
親一生一代一雙人不投丹心比玄石惟將濁水况
清塵只言柱下留期信好欲將心學松薜不能京兆
畫娥眉翻向成都騁駟引青牛紫氣度靈關尺素施
鱗去不還連苔上砌無窮綠脩竹臨壇幾處斑箇時
空牀難獨守此日別離那可久梅花如雪柳如絲年
去年來不自持初言別在寒偏在何悞春來春更思
春時物色無端緒雙枕孤眠誰分許不忿嬌鸞一種
啼生憎鷺子千般語朝雲旭日照青樓遲暉麗色滿
皇州落花泛泛浮靈沼垂柳長長拂御溝御溝大道
多奇賞俠客妖容迺來往寶騎車花鐵作錢香輪鷺

水珠爲網香輪寶騎竟繁華可伶今夜宿倡家鸚鵡
孟中浮竹菜鳳凰琴裏落梅花許輩多情偏送款爲
問春花幾時滿千回鳥信說衆諸百過鷺啼說長短
長短衆諸判不尋千回百過浪開心何曾舉意西鄰
玉未肯留情南陌金南陌西鄰成自保還轡歸期須
及早爲想三春狎斜路莫碎九折邛開道假令白里
似長安■使青牛學劍端蘋風入馭來應易竹杖成
龍去不難龍駮去去無消息鸞鏡朝朝減容色君心
不記下山人妾欲空期上林翼上林三月鴻欲稀華
表千年鶴未歸不分淹留棄路待祇應直取桂輪飛

駱賓王文集卷第三

雜詩

春霽早行

秋日山行

晚度天山

晚泊河曲

晚泊蒲類

晚渡黃河

早發淮口

渡瓜步派

遠使海曲

晚泊江鎮

早發諸暨

途中有懷

晚憩田家

宿山莊

出石門

至分陝

至分水戍

過張平子墓

賈三

北眺春陵

望鄉夕泛

夕客臨海

遊兗部逢孔君

西京守歲

海曲書情

軍中行路難

邊城落日

蓬萊鎮

在軍登城樓

宿温城望軍營

白雲抱幽石

秋日卧病

題七級

春雲處處生

早秋出塞

春霽早行

年華開早律霽色蕩芳晨城闕千門曉山河四望春
御溝通太液戚里對平津寶瑟調中婦金罍引上賓



劇談推曼倩，驚坐揖陳遵。意氣一言合，風期萬里親。
自惟安直道，守拙忘因人。談器非先木，圖榮異後薪。
椰榆慙路鬼，憔悴切波臣。步草終疲漢，烏裘幾滯秦。
生涯無歲月，歧路有風塵。還嗟太行道，處處白頭新。

秋日山行簡梁大官

東馬陟層阜，迴首睇山川。攢峯銜宿霧，疊巘架寒煙。
百重含翠色，一道落飛泉。香吹分巖桂，鮮雲抱石蓮。
地偏心易遠，致默體逾玄。得性靈遊刃，忘言已弃筌。
彈冠勞巧拙，結綬倦牽纏。不如從四皓，丘中鳴一絃。

晚度天山有懷京邑

忽上天山路，依然想物華。雲疑上苑葉，雪似御溝花。

賓三

二

鄭祥林
吳世沐

行嘆戎麾遠，坐令衣帶賒。交河浮絕塞，弱水浸流沙。
旅思徒漂梗，歸期未及瓜。寧知心斷絕，夜夜泣胡笳。

晚泊河曲

三秋倦行役，千里泛歸潮。通波竹箭水，輕舸木蘭橈。
金隄連曲岸，貝闕影浮橋。水淨千年近，星飛五老遙。
疊花開宿浪，浮葦下涼飈。浦荷踈晚的，津柳漬寒條。
恹惶勞梗泛，淒斷倦蓬飄。仙查不可託，河上獨長謠。

晚泊蒲類

二庭歸望斷，萬里客心愁。山路猶南屬，河源自北流。
晚風連朔氣，新月照邊秋。竈火通軍壁，烽煙上戍樓。
龍庭但苦戰，鷲嶺會封侯。莫作蘭山下，空令漢國羞。

晚渡黃河

千里尋歸路一葦亂平源
通波連馬頰迸水急龍門
照日榮光渾驚風瑞浪翻
棹唱臨風斷樵謳入聽喧
岸迥秋霞落潭深夕霧繁
誰堪逝川上日暮他鄉魂

早發淮口望盱眙

養蒙分四瀆習坎奠三荆
徙帝留餘地封王表舊城
岸昏涵蜃氣潮滿應鷄聲
洲迥連沙靜川虛積溜明
一朝從捧檄千里倦懸旌
背流桐柏遠逗浦木蘭輕
小山迷隱路大塊切勞生
唯有貞心在獨映寒潭清

渡瓜步派

捧檄辭幽徑鳴榔下貴洲
驚濤疑躍馬積氣似連牛

賔三

三

鄭祥林
吳世沐

月迥黃沙淨風急夜江秋
不學浮雲影他鄉空滯留

遠使海曲春夜多懷

長嘯三春晚端居百慮盈
未安蝴蝶夢還切魯禽情
別島連寰海離竟斷戍城
流星疑伴使
伍月似依營
懷祿寧期達牽時匪徇名
艱虞行已遠時迹自相驚

晚泊江鎮

四運移陰律三翼泛陽侯
荷香銷晚夏菊氣入新秋
夜烏喧粉堞宿鴈下蘆洲
海霧籠邊徼江風繞戍樓
轉蓬驚別渚逃名謝蟻丘
還嗟帝鄉遠空望白雲浮

早發諸暨

征夫懷遠路夙駕上危巒
薄煙橫絕巘輕凍澁迴湍

野霧連空暗山風入曙寒帝城臨灞涘禹穴枕江干
橘性行應化蓬心去不安獨掩窮途淚長歌行路難
途中有懷

睠然懷楚奏悵矣背秦関涸鱗驚煦轍墜羽怯虛響
素服三川化烏裘十上還莫言無皓齒時俗薄朱顏

晚憇田家

轉蓬勞遠役披薜下田家山形類九折水勢急三巴
懸梁接斷岸溢路擁崩查霧巖淪曉魄風淑漲寒沙
心迹一朝舛関山萬里賒龍章徒表越閩俗本非華
旅行悲泛梗離贈斷踈麻唯有寒潭菊獨似故園花

宿山莊

宿三

四

鄭祥林
吳世永

金陵一超忽玉燭幾還周露積吳臺草風入郢門楸
林虛宿斷霧磴險挂懸流拾青非漢策緇化類秦裘
牽迹猶多蹇勞生未寡尤獨此他鄉夢空山明月秋
出石門

層巖遠接天絕嶺上棲煙松伍輕蓋偃藤細弱鈎懸
石明如挂鏡苔分似列錢暫策爲龍杖何處得神仙

至分陝

陝西開勝壤邵南分沃疇列樹巢維鵲平渚下雉鳩
懃崇疑勿剪曳葛似攀樛至今王化美非獨在隆周
至分水戍

行役恧離憂復此愴分流濺石迴湍咽縈叢曲澗幽

陰崖常結晦宿莽竟舍秋况乃霜晨早寒風入戍樓
過張平子墓

西鄂該通理南陽擅德音玉卮浮藻麗銅渾積思深
忽懷今日昔非復昔時今日徃豐碑聞風來古木吟
唯歎窮泉下終鬱羨魚心

北眺春陵

揔轡疲宵邁駟馬倦晨興既出封泥谷還過避兩陵
山明行照上谿宿密雲蒸登高徒欲賦詞殫獨撫膺
望鄉夕泛

歸懷到不安促榜犯風瀾落宿舍樓近浮月帶江寒
喜逐行前志憂從望裏寬今夜南枝鵲應無繞樹難

賞三

五

菊桂秋
吳世承

久客臨海有懷

天涯非日觀地岳望星樓練光搖亂馬劍氣上連牛
草濕姑蘇夕菜下洞庭秋欲知悽斷意江上步安流
遊兗部逢孔君自衛來欣然相遇若舊

遊人自衛反客背隔淮來傾蓋金蘭合忘筌玉菜開
繁花明日柳踈葉落風梅將期重交態時慰不然灰
西京守歲

閑居寡言宴獨坐慘風塵忽見嚴冬盡方知列宿春
夜將寒色去年共曉光新耿耿他鄉夕無由展舊親

海曲書情

薄游倦千里勞生負百年未能查上漢詎肯劔遊燕

白雲照春海青山橫曙天江濤讓雙壁渭水擲三錢
坐惜風光晚長歌獨塊然

行軍軍中行路難

君不見封狐雄虺自成群憑深負固結妖氛玉壘分
兵徵惡少金壇授律動將軍將軍擁旄宣廟略戰士
橫戈靜夷落長駟一息背銅梁直指三危登劔閣閣
道迢遙起戍樓劔門遙裔俯靈丘叩關九折无平路
江水雙源有急流征役无期返他鄉歲月晚杳杳丘
陵出蒼蒼林薄遠途危紫蓋峯路澁青泥坂去去指
哀牢行行入不毛絕壁千里險連山四望高中外分
區宇夷夏殊風土交趾枕南荒昆弥臨北户川源饒

賓三

六

郭祥林
吳世承

毒霧谿谷多淫雨行潦四時流崩崖千歲古漂梗飛
蓬不暫安捫藤引葛陟危巖昔時聞道從軍樂今日
方知行路難滄江淥水東流駛炎洲丹徼南中地南
中南斗映星河秦關秦塞阻煙波三春邊地風光少
五月瀘川瘴癘多朝駟疲斥候夕息倦樵歌向月彎
繁弱連星轉太阿重義輕生懷一顧東征西伐凡幾
度夜夜朝朝斑鬢新年年歲歲戎衣故壩城隅滇池
水天涯望轉積地除際行無已徒覺炎涼節物非不
知関山千萬里弃置勿重陳多苦辛且悅清笳梅柳
曲詎憶芳園桃李人絳節紅旗分日羽丹心白刃酬
明主但令一被君王知誰憚三邊征戰苦行路幾千

端無復歸雲憑短翰空餘望日想長安

邊城落日

紫塞流沙北黃圖灞水東一朝碎俎豆萬里逐沙蓬
候月恒持滿尋源屢鑿空野昏邊氣合峯迴戍煙通
膂力風塵倦壇場歲月窮河流控積石山路遠崆峒
壯志凌蒼兕精誠貫白虹君恩如可報龍劍有雌雄

蓬萊鎮

旅客春心斷邊城夜望高野樓凝海氣白鷺似江濤
結綬疲三入承冠泣二毛將飛伶弱羽欲濟乏輕舠
賴有陽春曲窮愁且代勞

在軍登城樓

賓三

七

新祥林
吳世芳

城上風威冷江中水氣寒戎衣何日定歌舞入長安

宿溫城望軍營

虜地寒膠折邊城夜柝聞兵符關帝天策動將軍
戍靜胡笳徹沙明楚練分風旗翻翼影霜劍轉龍文
白羽搖如月青山斷若雲煙踈疑卷侵塵滅似銷氛
投筆懷班葉臨戎想勲還應雪漢耻持此報明君

白雲抱幽石

重巖危石幽澗曳輕雲繞鎮仙衣動飄蓮羽蓋分
錦色連花靜苔光帶葉薰詎知吳會影長抱穀城文

和孫長史秋日卧病

霍地踈天府潘園近帝臺調絃三婦至置驛五侯來

尚想歡娛洽吁嗟歲月催金壇分土將玉帳引環材
決勝鯁波靜騰謀鳥谷開白雲搖水外紫陌灞陵隈
節變驚襄柳笳繁思落梅調神和玉燭揆藻握珠胎
悵矣欣懷土居然欲死灰還因承雅曲暫喜躍沉鯁

四月八日題七級

化城分鳥埭香閣俯龍川復棟侵黃道重簷架紫煙
銘書非晉代壁畫是梁年霸略今何在王宮尚巋然
二帝曾遊聖三卿是偶賢昔茲遊勝侶超彼託良緣
我出有爲界君登非想天悠悠青曠裏蕩蕩白雲前
今日經行處曲号蓋煙

春雲處處生

賈三

八

鄭祥林
吳世承

千里年光靜四望春雲生
槩日祥光舉踈雲瑞茱輕
蓋陰籠迥樹陣影抱危城
非將吳會遠飄蕩帝鄉情
早秋出塞寄東臺詳政學士

促駕逾三水長駢望五原
天街分斗極地理接樓煩
漢月明開隴胡雲聚塞垣
山川殊物候風壤異涼溫
戍古秋塵冷沙寒宿霧繁
昔余迷學步投迹忝詞源
蘭渚浮延閣蓬山欵禁園
影纓陪絃冕載筆偶璵璠
汲塚寧詳蠹秦牢詎辨寬
一朝從篚服千里驚輕軒
鄉夢隨鳧斷邊聲入聽喧
南圖終斂翮北上遽摧轅
弔影慙連茹浮生倦觸藩
數竒何以託桃李自無言

鄭安陽入蜀

彭山折坂外并絡少城隈地是三巴俗人非百里才
長途君悵望別路我徘徊心賞風煙隔容華歲月催
遙遙分鳳野去去轉龍媒遺錦非前邑鳴琴即舊臺
劍門千仞起石路五丁開海客乘查渡仙童馭竹迴
蒐將離鶴遠思逐斷猿哀唯有雙鳧鳥飛去復飛來

駱賓王文集卷第三

賓三

九

鄭祥林
吳世永

駱賓王文集卷第四

雜詩

贈先還知己

酬思玄上人林泉

夏日夜憶張二

和李明府

望月有所思

對雪憶謝二

送陳文林

送鄭少府入遼

送費六還蜀

秋日別侯四

送尹大赴京

秋夜送闔五

送吳七遊蜀

送王明府

秋日送別

於易水送人

別詳正學士

別李嶠得勝

賓四

在兖州餞宋五

春晚從李長史

遊靈公觀

夏日遊山家

春日遊陟山寺

冬日野望

夏日遊目聊作

曉初登樓思京

登司馬樓宴

初於六宅宴

韋明府宅宴

冬日宴

餽鷄子

詠雲酒

詠美人

夕次舊吳

在軍中贈先還知己

蓬轉俱行役
瓜時獨未還
魂迷金闕路
望斷玉門關
獻凱多慙霍
論封幾謝班
風塵催白首
歲月損紅顏

落鴈低秋塞，驚鳧起暝灣。胡霜如劍鏢，漢月似刀環。
別後邊庭樹，相思幾度攀。

同辛簿簡仰酬思立上人林泉四首

聞君招隱地，髣髴武陵春。緝芰如違楚，披蓊似避秦。
崩查年祀積，幽草歲時新。一謝滄浪水，安知有逸人。
芳晨臨上月，幽賞狎中園。有嵒堪成夢，無羊可觸藩。
忘懷南澗藻，蠲思北堂萱。坐歎華滋歇，思君誰爲言。
林泉恣探歷，風景暫徘徊。客有遷鶯處，人無結駟來。
聚花如薄雪，沸水若輕雷。今日徒招隱，終知異鑿坏。
俗遠風塵隔，春還初服遲。林疑中散地，人似上皇時。
芳杜湘君曲，幽蘭楚客詞。山中有春草，長似寄相思。

廣四

二

陳士昂
甘斐采

夏日夜憶張二

伏枕憂思深，擁膝獨長吟。烹鯉無尺素，筌魚勞寸心。
踈麻空有折，芳桂湛無斟。廣庭舍夕氣，閑宇澹虛陰。
織蟲垂夜砌，驚鳥棲暝林。驩娛百年促，羈病一生侵。
詎堪孤月夜，流水入鳴琴。

和李明府

傳聞葉縣履飛向洛陽，城馳道臨層掖津。門對小平
霞殘疑製錦，雲度似飄纓。藻掞潘江澈，塵虛范甑清。
詎怜衝斗氣，猶向匣中鳴。

望月有所思

九秋涼風肅，千里月華開。圓光隨霧湛，碎影逐波來。

似霜明玉砌如鏡寫珠胎曉色依闕近邊聲雜吹哀
離居分照耀怨緒共徘徊自繞南飛羽空忝北堂才
寓居洛濱對雪憶謝二

旅思耿難裁衝飈限易哀曠望洛川晚飄飄瑞雪來
積彩明書帳流韻繞繞琴臺色奪迎仙羽花避犯靈梅
謝庭賞方逸袁扉掩未開高人儻有訪興盡詎須迴
秋日送陳文林陸道士

青牛遊華岳赤馬走吳宮玉柱離鴻怨金壘浮蟻空
日霽崑陵雨塵起陟陽風唯當玄度月千里與君同
送鄭少府入遼

邊烽警榆塞俠客度桑乾柳葉開銀鑷桃花照玉鞍
賓四
三

滿月臨弓影連星入劍端不學燕丹客空歌易水寒
送費六還蜀

星樓望蜀道月破指吳門萬行流別淚九折切驚魂
雪影舍花落雲陰帶葉昏還當三徑晚獨對一清樽
秋日別侯四

我留安豹隱君去學鵬搏歧路分襟易風雲促膝難
夕漲流波急秋山落日寒惟有思婦引悽斷為君彈
秋日送尹大赴京

挂瓢余隱舜負鼎尔干湯竹葉離樽滿桃花別路長
低河耿秋色落月抱寒光素書如可嗣幽谷竚賓行
秋夜送閻五

通庄抵舊里溝水泣新知斷雲飄易滯連露積難披
僚風啼迥堞驚月繞踈枝無力勵短翰輕舉送長離
送吳七遊蜀

日觀分齊壤星橋抵蜀門桃花嘶別路竹菜瀉離罇
夏盡蘭猶茂秋新柳尚繁霧銷山望迥風高野聽喧
勞歌徒欲奏贈別竟無言唯有當秋月空照野人園
送王明府上京參選

振衣遊紫府飛蓋背青田虛心恒警露孤影尚凌煙
離歌悽妙曲別引繞繁絃在陰如可和清響會聞天
秋日送別

寂寥心事晚搖搖落歲時秋共此傷年髮相看惜去留
賓四
當歌應破涕哀命返窮愁別後能相憶東陵有故侯
陳士吳
才芝叔

於易水送人一絕

此地別燕丹壯髮上衝冠昔時人已沒今日水猶寒
西行別東臺詳正學士

意氣坐相親閔河別故人客似秦川上歌疑易水濱
塞荒行辨玉臺遠尚名輪洩井懷邊將尋源重漢臣
上苑梅花早御溝楊柳新只應持此曲別作邊城春
別李嶠得勝

芳罇徒自滿別恨轉難勝客似遊江岸人疑上灞陵
寒更承夜永涼景向秋澄離心何以贈自有玉壺冰
在兗州餞宋五

淮巨泗水地梁甫汶陽東別路青驪遠離樽淥蟻空
柳寒凋密翠棠晚落疎紅別後相思曲悽斷入琴風
春晚從李長史遊開道林故山

幽尋極幽壑春望陟春臺雲光接斷樹靈影入仙杯
古藤依格上野徑約山隈落葉翻風去流鶯滿樹來
興闌荀御動歸路起浮埃

遊靈公觀

靈峯標勝境神府枕通川玉殿斜臨漢金堂迥架煙
斷風疎晚竹流水切寒絃別有青門外空懷玄圃仙
夏日遊山家同夏少府

返照下層岑物外狎招尋蘭徑薰幽佩槐庭落暗金

賔四

五

陳士英
甘芝采

谷靜風聲徹山空月色深一遣樊籠累唯余松桂心
和王記室從趙王春日遊陔山寺

鳥旛陪訪道鷺嶺洽棲真四禪明靜葉三空廣勝因
祥河踈疊澗惠日皎重輪葉暗龍宮密花明鹿苑春
彫談筌奧旨妙辨漱玄津雅曲終難和徒自奏巴人

冬日野望

故人無與晤安步陟山椒野靜連雲卷川明斷霧銷
靈巖聞曉籟洞浦漲秋潮三江歸望斷千里故鄉遙
勞歌徒自奏客魂誰爲招

夏日游目聊作

暫屏囂塵累言尋物外情致逸心逾默神幽體自輕

浦夏荷香滿田秋麥氣清詎假滄浪上將濯楚臣纓
同崔駙馬曉初登樓思京

麗譙通四望繁憂起萬端綺踈低晚魄鏤檻肅初寒
白雲鄉思遠黃圖崑路難唯餘西向笑暫似當長安

初秋登司馬樓宴

展驥端居暇登龍嘉宴同締賞三清滿承懽六義通
野晦寒陰積潭虛夕照空願慙非夢鳥濫此厠彫蟲
初於六宅宴

千里風雲契一朝心賞同意盡深交冷神靈俗累空
草帶銷寒翠花枝發夜紅唯將淡若水長揖古人風
春夜韋明府宅宴

賓四

六

陸士芳
甘芝泉

酌桂陶芳夜披薜嘯幽人雅琴馴魯雉清歌落范塵
宿雲低迥蓋殘月上虛輪幸此承恩洽聊當故鄉春
冬日宴

二三物外友一百杖頭錢賞洽袁公地情披樂令天
促膝鸞觴滿當爐獸炭然何須攀桂樹逢此自留連
鏤鷄子

幸遇清明節欣逢舊練人刻花爭臉態寫月覓眉新
暈罷空餘月詩成併道春誰知懷玉者金響未吟晨

詠雲酒

朔空曾紀麻帶地舊疏泉色泛臨碣瑞香流赴蜀仙
欸交欣散玉洽友悅沉錢無復中山賞空吟吳會篇

詠美人在天津橋

美女出東鄰容與在天津動衣香滿路移步襪生塵
水下看粧影眉頭畫月新寄言曹子建箇是洛川神

夕次舊吳

維舟背楚服振策下吳畿盛德引三讓雄圖枕九圍
黃池通霸業赤壁暢戎威文物俄遷謝英靈有盛衰
行歎鷓夷沒遽惜湛蘆飛地古煙塵暗年深館宇稀
山川四望是人事一朝非懸劍空留信亡珠尚識機
鄭風遙可託闕月眇難依西北雲逾滯東南氣轉微
徒懷伯通隱多謝買臣歸唯有荒臺露薄暮濕征衣

過故宋

復四

七

舊國千年盡荒城四望通雲浮非隱帝日舉類遊童
綺琴朝化洽祥石夜論空馬去遙奔鄭蛇分近帶豐
池文斂束水竹影漏寒叢園兔承行月川禽避斷風
故宋誠難定從梁事未工唯當過周客獨愧吳臺東

駱賓王文集卷第四

駱賓王文集卷第五

雜詩

傷祝阿王明府

詠懷古意

詠懷

邊夜有懷

久戍邊城

幽執書情

寒夜獨坐

憲臺出執寒夜有懷

月夜有懷

叙寄負半千

憶蜀地佳人

送郭少府

錢駱四

宋五之問

過任處士書齋

塵灰

秋晨

秋雲

賓五

一

秋蟬

秋露

秋月

秋水

秋螢

秋菊

秋鴈

詠照

挑燈杖

詠水

詠鴈

詠雪

詠塵

掉歌行

王昭君

翫初月

傷祝阿王明府并序

詠鵝

夫心之悲矣非開春秋之氣聲之哀也豈移金石之音何則事感則萬緒興端情應則百憂交軫是以宣



尼舊館流襟動激楚之悲孟嘗高臺承睫下聞琴之
淚祝阿王明府毓德丹穴龍襲吉黃裳靈基峙金闕之
峯層源瀨玉輪之坂旣而鴻飛漸陸將騁平與之龍
鶴鳴在陰爰絆朝歌之驥乃當名縣闕月德貫陳星
豈徒遽切夢瓊掩沉連石嗟乎輪銷挂魄驪珠毀貝
闕之前斗散紫氛龍劍沒延平之水某昔承嘉惠曲
荷恩光留連嘯歌從容風月撫心陳迹泣血連洳然
而始終者萬物之大歸生死者百年之常分雖則知
理之可有而未曉情之可無聊綴悲歌敢貽同好諸
君或締交三益列宰一同或叶契筌蹄投心膠漆如
比肩於千里遽傷竟於九原旣切芝焚弥深蕙歎盍

賈五

二

吳大倫
大報

言四始同賦七哀庶蘭室流薰襲遺芳而化德故蓬
心申拙效庸音於起子觸目多懷周流增慟

洛川貞氣上重泉惠政融含章光後列繼武嗣前雄
與善良難驗生涯忽易窮翔鳧猶化履狎雉尚馴童
錢滿荒階綠塵浮虛帳紅夏餘將宿草秋近未驚蓬
烟晦泉門夕日遠夜臺空誰堪孤隴外獨聽白揚風

詠懷古意上裴侍郎

三十二餘罷鬢是潘安仁四十九仍入年非朱買臣
縱橫愁繫越坎壈倦遊秦出籠窮短翮委轍涸枯鱗
不霑用彈鋏欲誰申天子未駢策歲月幾沉淪
輕生長慷慨效死獨慙慙徒歌易水客空老渭川人

一得視邊塞萬里何苦辛
劒匣胡霜影弓開漢月輪
金方動秋色鐵騎想風塵
為國堅誠款捐軀忘賤貧
勒功思比憲決略暗欺陳
若不犯霜雪虛擲玉京春

詠懷

少年識事淺不知交道難
一言芬若桂四海臭如蘭
寶劒思存楚金鉞許報韓
虛心徒有託循迹諒無端
太息関山險于嗟歲月闌
忘機殊會俗守拙異懷安
阮籍空長嘯劉琨獨未懽
十步庭芳斂三秋隴月團
槐疎非盡意松晚夜凌寒
悲調絃中急窮愁醉裏寬
莫將流水引空向俗人彈

邊夜有懷

賞五

三

吳大猷
吳大猷

漢地行逾遠燕山去不窮
城荒猶築怨碣毀尚銘功
古戍煙塵滿邊庭人事空
夜開明隴月秋塞急胡風
倚伏良難定榮枯豈易通
旅覓勞泛梗離恨斷征蓬
蘇武封猶薄崔駟官不工
惟餘北叟意欲寄南飛鴻

久戍邊城有懷京邑

擾擾風塵地遑遑名利途
盈虛一易舛心迹兩難俱
弱齡小山志寧期大丈夫
九微光賁玉千仞忽彈珠
棘寺游三禮蓬山筮八儒
懷鉛慙後進投筆願前駢
北走非通趙西之似化胡
錦車朝促候刀斗夜傳呼
戰士青絲絡將軍黃石符
連星入寶劒半月上彫弧
拜井開踈勒鳴桴動密須
戎機習短蔗祆祲靜長榆

季月炎初盡邊亭草早枯層陰籠古木窮色變寒蕪
海鶴聲嘹唳城烏尾畢逋葭繁秋引急桂滿夕輪孤
行役風霜久鄉園夢想辜灞池遙夏國秦海望陽紆
沙塞三千里京城十二衢楊溝連鳳闈槐路擬鴻都
璧殿規宸象金隄法斗樞雲浮西北蓋月照東南隅
寶帳垂連理銀床轉鹿盧廣筵留上客豐饌引中厨
漏緩金徒箭嬌繁玉女壺秋濤飛喻馬春水泛仙艫
意氣風雲合言志道術趨共矜名已泰誰肯沫相濡
有志慙彫朽無庸類散樗開山軫超忽形迹倦艱虞
結網空知羨圖榮豈自誣忘情同塞馬比德類宛駒
隴阪肝腸絕陽關亭候迂迷蒐驚落鴈離恨斷飛鳧

春去容華盡年來歲月無邊愁傷郢調鄉思繞吳歛
河氣通中國山途限外區相思若可寄冰泮有銜蘆
幽繫書情通簡知己

昔歲逢陽麻觀光賁楚材穴疑丹鳳起場似白駒來
一命淪驕餌三緘慎禍胎不言勞倚伏忽此遘遭迴
駢馬刑章峻蒼鷹吏猜爭縑非易辯疑璧果難裁
揆拙慙周道端憂滯夏臺生涯一減裂歧路幾徘徊
青陸芳春動黃沙旅思催圓扉長寂寂疎網尚恢恢
入弇先搖尾迷津正曝顛覆盆徒望日蟄戶未驚雷
霜歇蘭猶敗風多木屢摧地幽蚕室閉門靜雀羅開
自憫秦冤痛誰怜楚奏哀漢陽窮鳥客梁甫卧龍才

有氣還衝斗無時會鑿坏莫言韓長孺長作不然灰
寒夜獨坐遊子多懷簡知己

故鄉眇千里離憂積萬端鶉服長悲碎蝸廬未卜安
富鈎徒有想貧鋏爲誰彈柳秋風葉脆荷晚露文團
晚金薰岸菊餘佩下幽蘭伐木傷心易維桑婦去難
獨有孤明月時照客庭寒

憲臺出紮寒夜有懷

獨坐懷明發長謠苦未安自應迷北叟誰肯問南冠
生死交情異殷憂歲序闌空餘朝夕鳥相伴夜啼寒
月夜有懷簡諸同病

閑庭落景盡踈簾夜月通山靈響似應水淨望如空

虞五

五

吳大猷
大猷

棲枝猶繞鵲遵渚未來鴻可歎高樓婦悲思杳難終
叙寄貞半干

薄官三河道自負十餘年不應驚若厲祗爲直如絃
坐歷山川險吁嗟陵谷遷長吟空抱昧短翮詎冲天
魂歸滄海上望斷白雲前釣名勞拾紫隱迹自談玄
不學多能聖徒思鴻寶仙斯志良難已此道豈徒然
嗟爲刀筆吏耻從繩墨牽歧路情雖狎人倫地本偏
長揖謝時事獨往訪林泉寄言二三子生死不來旋

憶蜀地佳人

東西吳蜀閔山遠魚來鴈去兩難聞莫恠常有千行
淚只爲陽臺一片雲

送郭少府探得憂字

開筵抗德水輟掉艤仙舟貝闐桃花浪龍門竹箭流
當歌悽別曲對酒泣離憂還望青門外空見白雲浮
錢駱四得鍾字

平生何以樂斗酒夜相逢曲中驚別緒醉裏失愁容
星月懸秋漢風香入曙鍾明日臨溝水青山幾萬重
甲第驅車入良宵秉燭遊人追竹林會酒獻菊花秋
霜吹飄無已星河漫不流重嗟歡賞地翻召別離憂
宋五之問得涼字

願言遊泗水支離去二漳道術君所篤筌蹄余自忘
雪威侵竹冷秋爽帶池涼欲驗離襟切歧路在他鄉
賓五

冬日過故人任處士書齋

神交尚投漆虛室罷遊蘭網積窻文乱苔深履迹殘
雪明書帳冷水靜墨池寒獨此琴臺上流水爲誰彈
塵灰

洛川流雅韻秦道擅苛威聽歌梁上動應律管中飛
光飄神女襪影落羽人衣願言心未翳終冀效輕微
秋晨同淄州毛司馬秋九詠

紫陌炎氣歇青蘋晚吹浮乱竹搖踈影繁池織細流
飄香曳舞袖帶粉泛粧樓不分君恩絕紈扇曲中秋

秋雲

南陸銅渾改西郊玉葉輕泛斗搖光動臨碭瑞色明

蓋陰連鳳閣陣影翼龍城誰知時不遇空傷流滯情

秋蟬

九秋行已暮一枝聊暫安隱榆非諫楚噪柳異悲潘
分形粧薄鬢鏤影飾危冠自憐踈影斷寒林夕吹寒

秋露

玉開寒氣早金塘秋色歸泛掌光逾靜添荷滴尚微
變霜凝曉液承月委圓輝別有吳臺上應濕楚臣衣

秋月

雲披玉繩淨月滿鏡輪圓
白露珠暉冷凌霜桂影寒
漏彩含踈薄浮光漾急瀾
西園徒自賞南飛終未安

秋水

賔五

七

吳大
六根

貝闕寒流徹玉輪秋浪清
圖雲錦色淨寫月練花明
泛曲鷗絃動隨軒鳳轄驚
唯當御溝上悽斷送歸情

秋螢

玉虬分靜夜金螢照晚涼
含輝疑泛月帶火怯凌霜
散彩縈虛牖飄花繞洞房
下帷如不倦當解借餘光

秋菊

擢秀三秋晚開芳十步中
分黃俱笑日含翠共搖風
碎影會流動浮香隔岸通
金翹徒可泛玉笋竟誰同

秋鴈

聯翩碎海曲遙曳指江干
陣去金河冷書歸玉塞寒
帶月凌空易迷煙逗浦
難何當同願影刷羽泛清瀾

詠照

寫月無芳桂照日有花菱不持光謝水翻將影學冰

挑燈杖

稟質非貪熱焦心豈憚熬終知不自潤何處用脂膏

詠水

列名通地紀踈派合天津波隨月色淨態逐桃花春
照霞如隱石映柳若沉鱗終當挹上善屬意淡交人

詠鴈

唼藻蒼梧遠街蘆紫塞長霧深迷晚景風急斷秋行
陣照通宵月書封幾夜霜無復能鳴分空知愧稻梁

詠雪

龍雲玉葉上鶴雪瑞花新影亂銅烏吹光銷玉馬津
舍輝明素篆隱迹表祥輪幽蘭不可儷徒自繞陽春

詠塵

凌波起羅襪舍風涂素衣別有知音調聞歌應自飛

掉歌行

馬月圖黃罷凌波拾翠通鏡花搖芟日衣麝入荷風
葉密舟難蕩蕩蓮踈浦易空鳳媒羞自託鴛翼恨難窮
秋帳燈光翠倡樓粉色紅相思無別曲併在掉歌中

王昭君

斂容辭豹尾緘怨度龍鱗金鈿明漢月玉筋淙胡塵
古鏡菱花暗愁眉柳葉嘖唯有清笳曲時聞芳樹春

詠初月

忌滿光恒缺乘昏影暫流自能明似鏡何用曲如鉤

詠鵝

雜言時年七歲

鵝鵝曲項向天歌白毛浮綠水紅掌撥青波

駱賓王文集卷第五

賓五

九

吳大陵

駱賓王文集卷第六

表啓

爲請陪封禪表

和道士閨情詩啓

上吏部侍郎啓

上司列太常伯啓

上李少常啓

上兗州啓

上兗州崔長史啓

上齊州張司馬啓

爲齊州父老請陪封禪表

臣聞元天列象紫宮通北極之尊大帝凝圖玄猷暢
東巡之禮是知道隆光宅旣輯玉於雲臺業紹禋宗
必塗金於日觀云云陛下乘乾握紀纂三統之重光御
辯登樞應千齡之累聖故得河浮五老啓赤文於帝

宿六

畢悅覽
穆九忠

期海薦四神奉丹書於王會瑞開三脊祥洽五雲旣
而緝揔章之舊文摺辟雍之故事非煙翼軼移玉輦
於梁陰若月乘輪秘金繩於岱巘臣等職均芻狗陰
謝桑榆幸屬堯鏡多輝照餘光於連石軒圖廣耀追
盛禮於撻金然而鄒魯舊邦臨淄遺俗俱穆二周之
化咸稱一變之風境接青疇俯瞰獲麟之野山開翠
屺斜連辯馬之峯豈可使稷下遺氓頓隔陪封之禮
淹中故老獨奉告成之儀是用就日披丹仰璧輪而
三舍望雲杼素叫天闔於九重儻允微誠許陪大禮
則夢瓊餘息仰仙闕以相權就木殘魂遊岱宗而載躍

和道士閨情詩啓

賓王啓學士素慶奉宣教旨垂示閨情詩并序跪發
珠韜伏膺玉札類西秦之鏡照徹心靈同指南之車
導發迷悞切惟詩之興作兆基遂古唐歌虞詠始載
典謨商頌周雅方陳金石其後言志緣情二京斯甚
含毫瀝思魏晉弘繁布在縑簡差可商略李都尉鴛
鴦之詞纏綿巧妙班婕妤好霜雪之句發越清迴平子
桂林理在文外伯喈翠鳥意盡行間河朔詞人王劉
爲稱首洛陽才子潘左爲先覺若乃子建之牢籠群
彥士衡之藉甚當時並文苑之羽儀詩人之龜鏡爰
逮江左謳謠不輟非有神骨仙材專事文風道意顏
謝特挺戕罰典麗自茲已降聲律稍精其間泐改莫

賓六

五

畢懷寬
穆允忠

能正本天縱明睿卓尔不群聽新聲鄙師涓之作聞
古樂笑文侯之睡以封魯之才追自衛之迹引茲雅
奏抑彼淫哇澄五際之源救四始之弊固可以用之
邦國厚此人倫俯屈高調聊同下里思然入巧文隨
手變侯調慙其曼聲延年愧其新曲走以不敏謬蒙
提汲謹申奉和輕以上呈末近詠歌伏深悚恧謹啓

上吏部侍郎帝京篇啓

賓王啓昨引注日垂索鄙文拜首驚魂承恩累息楚
翬丹質在荆南以多慙遼豕白頭望河東而載恧其
散材易朽蟠木難容雖少好讀書無謝高鳳而老不
曉事有類楊雄徒以易象六爻幽贊適乎政本詩人

五際比興在乎國風故體物成章必寫情於小雅登
高能賦豈圖榮於大夫盖欲樂道遺榮從心所好非
敢希聲刻鶴竊譽彫蟲至若質醜行以自媒銜庸音
於苟進固立身之歧路行己之外篇矣君侯蘊明略
以佐時虛靈臺以照物觀梁父之曲識卧龍於孔明
聽康衢之歌得飯牛於甯戚是用異人翹首俊又婦
誠猥以疵賤之姿謬奉清通之眄雖仲由之瑟終闕
響於丘門而宋玉之謠讜均音於郢路敢忘下里輕
冒上呈庶導起予陳卜商之四始恐吾幾子効然明
於一言拜首增慙憂心如醉謹啓

上司列太常伯啓

賡六

三

畢懷寬
穆九忠

側聞魯澤祥麟希委質於宣父吳坂逸驥寔長鳴於
孫陽是則所貴在乎見知所屈伸乎知己故彫其璞
嶧山有半死之桐賞其聲柯亭無求枯之竹伏惟明
常伯公儀天聳構橫九霄而拓基浸地開源控四紀
而疏派自赤文薦祉曲阜分帝子之靈紫氣浮仙函
谷誕真人之秀本枝百代君子萬年道叶神交黃石
授帝師之略德由天縱白雲降王輔之精峯秀學山
列三墳而仰止瀾清筆海委九流以朝宗登小魯之
巖辨練光於曳馬臨大吳之國識寶氣於連牛垂秋
實於談叢絢春花於詞苑辨河飛箭激流翻白馬之
津文江散珠圓波漱驪龍之穴是用德茂麟趾削桐

葉以分珪道煥鶴池映桃花而曳綬既而揆留皇鑒
忠簡帝心奉職春宮爍離光於青殿代工天府明台
耀於紫宸綜理方風燮諧元氣舍暉禮閣皎愛日以
流光毓彩文昌映德星而開照若乃識度宏遠器宇
踈通明允篤誠盛業隆於厚土惠和忠肅功格於
上天則伊陟謝其緝熙至咸慙其保乂舉才應器與
士無私水鏡澄花灼金波於靈府冰壺徹鑒朗玉燭
於神機則鄧攸莫際其瀾盧毓罕窺其術故使妍蚩
各安其分輕重不失其權五教克敷百揆時叙折衝
千里魯連談笑之功師表一時郭泰人倫之度加以
分庭讓士虛席禮賢片善經心揖仲宣於蔡席一言

賈六

四

單
務九
况
忠

合道接然明於鄭堦某蓬廬布衣棄樞韋帶自弱齡
植操本謝聲名中年誓心不期聞達上則執鞭爲仕
王庭希千祿之榮次則捧檄入官私室庶代耕之祿
願然而忠不聞於十室學無專於一經退異善藏進
殊巧宦搏羊角而高翥浩若無津附驥尾以上馳邈
焉難託實欲投竿垂餌晦幽迹於涓濱抱瓮灌園絕
機心於漢渚幸屬乾坤貞觀烏兔光華嵩山動萬歲
之聲德水應千年之色雖無爲光宅欣預比屋之封
而有道賤貧耻作歸田之賦於是竭來瓮牖利見金
門指帝鄉以望雲赴長安而就日美芹之願徒有獻
於至尊蟠木之姿誰爲容於左右明公惟幾成務論

道經邦一顧之隆駘足逾於仙鹿片言之重魚目軼於靈虵庶望願兔羅箕動薰風於舜海從龍潤礎霈甘澤於堯雲則鱠餘之魚希振鱗於吳水膳後之豕翻化龜於魯津拜伏階墀增其冰谷謹啓

上李少常啓

賓王啓竊惟陰陽作炭化一氣以陶甄天地爲鑪混萬物爲芻狗然則璧輪均照或流景於萊城玉燭平分獨翔寒於黍谷是汗隆迭襲榮悴相循得氣者繁滋失時者零落伏以君侯疏乾激派龍門開竹箭之波鎮地橫基鵠翅峙蓮花之嶺曜重暉於若月炳疊彩於非煙至若瑞動赤光著元勳於東漢烽驚紫塞

賈六

五

畢杯寬
穆九忠

宣武功於北征奔莖龍光蟬聯龜組德攸天縱白星降王輔之精道叶神交黃石授帝師之略故得三千運北擊舜海以遊鱗九萬圖南望堯雲而矯翰折衝千里魯連談笑之功師表一時郭泰人倫之度於是九重銜紱照星影於宸維四達埋輪振霜威於權右加以分庭讓士虛坐禮賢片善必甄揖虞翻於東箭一言可紀許頤榮以南金賓王蟠木朽株散樗賤質墻面難用灰心易然退無毛薛之交進乏金張之援塊然獨居十載於茲矣然而日夜相代笑溝壑之非遙貧病交侵思薜蘿而可託欲乘幽控寂追綺季於青山樂道棲真從魯連於滄海幸屬舜門廣闢漢幣

交馳遂得佇嘯高丘應箕文而動韻聆吟大野浮良
軸以流陰將恐在藻緘鱗終寡登龍之望棲榆弱羽
徒仰搏鵬之高所覲曲逮恩光資餘潤於東里襲承
導引託輕夢於南樛撫己多慙循躬增懼謹啓

上兗州啓

側聞未遇孫陽鹽車無絕塵之迹時逢和氏荆山有
連城之珍豈若聽清音於爨餘則枯桐發響收夜光
於玄壁則恠石騰輝在物猶然況於舍識者矣伏惟
明使君鳳穴振儀龍門標峻瓊彫岳立表秀干雲霞
煥霜霏澄虛鑒物旣而代工天府忠簡帝心擁熊軾
而撫百城建隼旗而臨千里坐棠敷惠恩纏去思剖

賔六

六

畢懷亮
種名流

竹垂仁式歌來暮清凝夜燭化警晨烏外昂九農內
引五教導之以禮樂齊之以刑書約法遵寬設蒲鞭
之耻立言惟信控竹馬之期甘雨隨車雲低輕重之
蓋珠還合浦波舍遠近之星至如卧理稱難坐嘯匪
易披裳問疾垂垂愛景以字人褰帷廣聽穆薰風而扇
物嚴霜秋降叶隼擊而防小人零露春濡飾羔旌而
禮君子於是仁必有勇吏不忍欺美譽鬱於三齊芳
猷騰於萬古若乃清規遠鏡皎月色於靈臺步鑒虛
凝穆松風於智府研機十篋探曠九流縟翠萼於詞
林絳鮮花於筆苑文江翻浪織玉斂以韜霞學海驚
瀾綴珠鱗於濯錦加以懸榻待士擁篲禮賢汲引忘

疲獎提不倦懷經味道之客望範圍以駿奔兼流包
略之夫窺義園以遐集求小善於毫芥願正禮於二
龍振幽滯於沙泥許明公於一驥賓王淹中故俗體
朴厚之引規稷下遺賸陶禮義之餘化頗遊簡素少
閱縑緙每蟋蟀凄吟映素雪於書帳莎雞振羽截碧
蒲於翰池既而學異懷蛟才非夢鳥價不齊於南漢
芳不重於東山幸屬日月光華雲霞紛郁方結羨魚
之網將謠扣角之詞奮短翻於槍榆希高標之餘拂
濯纖鱗於涓滴望鴻浪之微露所冀願眄曲流翦拂
增價則鉉刀起一割之用跛驚致千里之行是知竊
混吹於齊竽濫飛聲於郢路抱山鷄而自恧願遼豕
以多慙輕觸威顏不遑流汗謹啓

賔六

七

卑不覺
移乞思

上兗州崔長史啓

側聞豐城戢耀駭雷之輝俄剖沙丘踔迹躡雲之轡
載馳然則激瑞侵星佩潛蛟於壯武騰鏢歷塊騁踪
駿於咸陽且煦轍波鱗側羨鰲潭之躍觸籠雲翼局
望鵬田之迅是以齊郊夕唱牛歌挾白水之詞漢境
朝趨車侯驚拂塵之思伏惟公騰瀾浴景濬靈派以
含珠擢幹捎雲翊淮巖而聳桂崇基疊秀匡霸道於
周盟茂緒聯輝贊文場於漢戚偉龍章之秀質騰孔
雀之俊年叶鳳彩於英姿辨蟾蟾精於弱日靈臺宏遠
騁霄練於霜潭冊府幽深絢朝虹於璧渚心波湛漢

冰魄曜於黃陂情岳干天韞風雲於稽巘龍津共濟
覽欣登御之車蕪室欽賢必擁澄清之轡鬱文條而
擢彩藻逸潘花暉詞峯而衍價光浮衛玉然則昆溪
旣琢必見山川之精樹羽已懸行嗣雲韶之響是以
佐龜陰而演化務肅百城輔麟壤以宣風恩覃千里
徽猷克著逾盛德於休徵聲績聿宣軼英規於恭祖
佩呂刀而邵美已贊褰帷之遊屈龐驥而未伸將騁
仁風之駕加以側階引彥鑒宗子之微言倒屣延賓
辨王生之雅量故使圓流之下探照乘於長波高岫
之巔剖連城於幽石賓王瓶筍小器鷓蚊末品斜帶
嶧桐戢晞陽之厚德傍鄰汶篠慕貫時之貞勁直以

賓六

八

畢佑南
楊用九

容腴一丘曲阜之瓢遽切枕肱五畝成都之壁已勞
檐石馱於糟糠負薪疲於短褐然則少奉過庭之訓
長趨克己之方弋志書林咀風騷於七略耘情義圃
偃圖籍於九流洒惠渥於羊陂屢泛文通之麥峻曲
岸於鷺谷時遺公叔之冠雖不能縱逸韻於霜臯啖
野致九天之響而頗亦蓄芬於露薄垂薰有十步之
芳而乃恧迹魯鴻非荆山之抵鵲遙名韓犬歎稽阜
之橫梁方今玉瑄躔秋金風動籟吳宮歸乙望陰岫
以依遲素林返鴈候陽潮而低舉簾金味道之子候
纒帛以彈冠屑玉含毫之人望弓旌而翹足竊不揆
於庸識輒輕擬於揚庭所冀恩波時流咳唾儻能分

其斗水濟濡沫之枯鱗惠以餘光照孀媿之寒女得
使伏櫪駑蹇希騏驥而踈足竄棘翩翔排鴛鸞而刷羽
則捐軀匪恹碎首無辭雖復投報揚金君子以之貽
誠效誠魏草小人之所懷恩輕瀆威嚴深懼履尾載
塵聽覽迫甚蹈冰謹啓

上齊州張司馬啓

某啓昔者萍邑聞歌揖馮諤於彈鋏夷門命駕顧侯
羸於抱閔何則志合風雲戴笠均乎乘馬情諧道術
忘筌貴乎得魚是以挹蘭言於斷金交蓬心於匪石
庶清音默聽賞流水於牙絃妙思通神叶成風於郢
匠伏惟公䟽源白水浸地軸以輪波纂慶黃軒感星

寅六

九

精而誕命綴珠華於七曜聯玉莖於五雲至夫神石
攜祥靈鈞表貺千年馭鶴振仙氣於帝鄉七綦珥貂
襲榮光於戚里固以紛綸國謀昭晰家聲泊乎鹿走
周原輔秦圖而興霸蛇分沛澤翼唐運以開皇常山
王之玉潤金聲博望侯之蘭薰桂馥羽儀百代掩梁
竇以霞褰鍾鼎一時罩袁楊而岳立故得重規遠鏡
湛月路以流清茂祉遐鋪架雲門而擢秀公飛英鳳
穴藻五色以凝華穎耀龍泉涵九重而毓潤風情踈
朗霜明月湛之姿氣骨端嚴雪白冰清之槩若乃性
符神授道擅生知挫三端於情峯朝九流於學海博
聞強記辨晉國之黃熊將聖多能識吳門之白馬言

泉漱迥瀉瀑布以飛瀾文江澹清含濯錦而翻浪鬱
槐市以增茂穆蘭室以流芳於是翔鱣應符觀光上
國飛龍成卦利見大人搏羊角以垂天展驥足而騰
景翼貳藩邳巴敬祖之清廉光贊外臺陳君回之亮
直推公平而折獄磔鼠謝其嚴明擁端慤而行仁化地
慙其智勇加以清規日舉湛虛照於冰壺玄鑒露凝
朗機心於水鏡謙光自牧恭己愛人片善必甄揖虞
翻於東箭一言可紀許願榮於南金某疾抱支離材
均臃腫進不能握蘭分竹縮銀黃於雲臺退不能絕
粒茹芝鍊金丹於地肺而出沒風塵之內漂淪名利
之間游無毛薛之交乏金張之援塊然獨處者一

賓六

十

早懷寬
務先忠

紀於茲矣然而日夜相代恐溝壑以非遙窮病交侵
思薜蘿之可託常願處幽控寂追夏黃於商山樂道
棲真從魯連於滄海豈圖語默易爽心迹難逃從橋
之恨逾深攀桂之情徒結是用絕心乾沒耽閱丘墳
謁子將於南荆訪康成於北海西遊梁益仰司馬王
楊之風東入臨淄慕淳于管晏之智瞻言前古徒欲
思齊俯惟當今空勞懷刺不意雲浮礎潤霜落鍾鳴
揖郭太於靈舟有道斯在賞黜明於撤俎盛德猶存
雖調清歌誠寡和於郢路而庸音濫吹竊混奏於齊
竽輕課撮囊揄揚盛德庶金波離畢零陵之石自飛
瑤光建寅蕭丘之火暫熱學慙麟角德類鴻毛愧汗

如漿憂心若厲

駱賓王文集卷第六

賓六

十一

畢懷寬
豫允忠

駱賓王文集卷第七

書啓

上廉使啓

上瑕丘韋明府啓

上郭贇府啓

上梁明府啓

上裴侍郎書

與程將軍書

荅貞半千書

與父老親情書二首

上廉使啓

賓王啓每讀書見古人負米之情捧檄之操未嘗不廢書輟卷流涕傷心何則情蓄於中事符則感形潛於內迹應斯通而悅帝力以栖寃情欣養素仰皇華而暢息敢用披丹伏惟公源控玉輪激神濤而涵地

賓一

一

畢紹南
楊周九

基疏金闕架飛岳以韜雲泊乎鹿走周原霸燕圖於即墨虵分沛澤封漢爵於華城福祿攸鍾公侯必復炳靈丹穴襲吉黃裳若乃峯秀學山列三墳而仰止瀾清筆海委九流以朝宗登小魯之山辨練光於亂馬臨大吳之國識寶氣於連牛垂秋實於翰林絢春花於文苑清規湛秀照月旦而彫談素論凝玄開夜光於妙辨既業成麟角引茅茹而彈冠道映駕池絢桃花而曳綬揆留皇鑒忠簡帝心奉職春宮標離光於青殿代工天府明台耀於紫宸故得龍綽垂光戢兩星而開照鶴蓋浮影翼五雲以連陰某大塊流形小人餘慶幸河神入昴映白榆以䟽祥江使負圖泛



青蓮而薦兆薰風廣扇聖日揚輝進不能高議雲臺
談社稷之上務退不能銷形地肺揖箕頽之餘芳而
出沒風塵湮淪名利十年無棣萬里惟桑旣而日遠
長安出蓬門而西笑雲飄吳會遙松浦以南浮異塵
迹丘中絕漢機於俗網承歡昧下馭潘輿以家園不
悟地絡遐張維白駒於空谷天羅迥布弋黃鶴於高
雲願已駕鉉並從媒銜力農賤事未免東臯之勞反
哺私情遽切南陔之詠少希願復輒布懇誠雖噬臍
思歸空軫倚廬之望而嚙臂求仕非圖高蓋之榮明
公資孝履忠恕己及物惟機成務論道經邦庶得顧
兔離星動清風於舜海從龍潤礎霈甘雨於堯雲則

賞七

二

畢名南
揚用九

白羽書生自銘於食稻黃裳童子將賽德於食花拜
首迴惶傾心霖霖謹啓

上瑕丘韋明府啓

側聞觸籠戢翻負垂天而跼影伏楹羈蹄望絕塵而
踈足故以遊蓮遇緲悟宋玉於嬰羅在藻迷波願蒙
莊於煦轍是以臨淄遣婦寄東蘊於齊鄰邯鄲下客
效處囊於趙相伏惟明府公締址瓊峯靈岳蔽丹霄
之景圖基珠溜神流沃清漢之波玉札飛文綜宏詞
於楚傳金籙緝藝味雅道於扶陽孕蘭畹而生姿澧
灞踵高門之慶產銅溪而寫鏗荆藍資象德之禎勿
辨羝羊演飛龍之祕策夙談孔雀對家禽之麗詞赤

野浮炫價之光珠胎瑩色丹穴悟來儀之迅鳳姿舍
彩靈襟轉壁綯逸照於蘭池神府驚蘋韻清音於桂
浦談叢散馥韞餘氣於九蘭筆海流濤駭洪波於八
水於綰銅麟甸製錦鳧郊化浹下車恩孚攬轡德聲
含詠仁風飄十地之雄道化徧謠惠露灑三天之渥
狎中牟之馴雉豈懼驍媒驚重泉之瑞鸞非關照舞
雖則塵飛范甑垂銀有結綬之華而乃調理密絃烹
鷄屈涵牛之量加以招携白屋勸誘青襟遂使漱流
逸客望驥足以雲蒸棲泌遺才欵龍門而霧會某緯
蕭末品拾艾幽人寓迹罕壇挹危直之祕說託根磬
渚戢戰勝以良圖幸以奉訓超庭束情田於理窟從

賓七

三

平俗南
楊用九

師負笈私情識於書林至於九流百代頗忽其異端
万卷五車亦研其奧旨將欲優游三樂資杖以終年
棲遲一丘鳴絃而卒歲諒以糟糠不贍甘旨之養屢
空簞食無資朝夕之歡寧展是以祈南陽之捧檄擬
毛義之清塵思魯國之執鞭蹈孔丘之餘志屬以蜚
秋應節鴈序戒時飈金將露玉俱清柳黛與荷細漸
歇寔舍毫振藻之際離經析理之期不揆彫朽之材
竊冀遷喬之路輒期泛愛輕用自媒儻荆璞無見致
疑夜光不逢按劍則沉骸九死終望銜珠殞首三泉
猶希結草載塵清羸躑躅影外慙冒瀆威嚴循心內駭
謹啓

上郭贊府啓

側聞承樞嘯谷韻清瀨於驚蘋震德昇乾颺玄枝而
布族雖涸鱗濡沫不缺望於鯨波而決羽搶榆頗思
遷於鸞樹伏惟公瓊基疊秀積珠構於三龍玉榦驚
薰暕瑶林於八桂仙飛有道榮河泛高尚之舟德驗
通神靈策動幽明之境產耶溪而濯質霜鐔廓豐匣
之姿孕鍾嶺而飛華虹玉絢荆巖之氣松秋表勁翊
頽霞而插極菊晚馳芳涵清露而沙沼鑒懸龍鏡朗
逸照於咸陽韻入鳧鍾驚洪音於長樂心源泛藻控
鼇壑以朝宗情嶽披蓮掩崑岑而作鎮惠牛曜辨驚
荀鶴於談叢揚鳳搞文詠鄒龍於筆海故佐銅章於

賡七

四

畢佑南
楊州九

疆渚側扇文鯨之風貳墨綬於桐郊潛誘祥鸞之化
絃揮單父弼清韻於稽琴化狎中牟翊馴翠於潘雉
加以延賓置驛接士軾廬采拔芻微邁欽賢於司隸
提獎幽滯軼取俊於淳于某甕牖輕生席門賤品幸
以叅名比屋稅康衢以自娛預迹耦耕欣日出而知
作又以家傳素業弋書林而騁志少奉庭闈踐文囿
以漁魂至於縹卷青緗頗側探其奧旨竹書石記亦
幽求其邃源雖未能叫徹帝閣聲馳宰府而頗亦見
推里閭譽浹鄉閭方今銀箭纏秋金壺應節吮墨翹
足期筮迹於一枝味道彈冠望橫經於重席不量庸
昧竊冀揚庭伏乞恩波暫垂迴盼儻使陳留逸調下

採柯亭之篠會稽陰德傍眷餘溪之蔡則迴眸之報
不獨著於前龜清亮之音誰專稱於往笛雖滄溟遠
量永不愧於牛涔而嵩岱洪恩終曾酬於蟻垤輕喧
視聽憂驚唯深猥瀆階庭兢惶交集謹啓

上梁明府啓

某啓昔者聞歌薛邑賞彈鋏於馮諼佇駕夷門揖抱
闕於侯子豈惟成風之斲妙思通神流水之絃清音
入聽况夫志合者蓬心可采情諧者蘭味寧忘伏惟
公儀天峙構曾基控射牛之峯浸地開源驚濤疏釣
鰲之浦至夫封侯廟食掩金許以霞褰三主七公罩
表揚而岳立於是功超振鷺位典烹鮮水鏡澄瀾照

賓七

五

畢紹南
楊周九

翔鸞之舞影吟琴動操叶馴雉之雅音旣而盛德有
鄰佐皇華而撫俗君子不器扈輔軒以觀風某蒲石
摘遷聲鄉蓬轉不叶十室無專一經攀驥逸而無由
仰鵬飛而自失公頤眄成飾咳唾爲恩庶微潤於江
波莫末光於鄰燭使幽禽遷木侶丹山於帝梧鳴石
在川應黃鍾於仙管敢布心也詎能望焉謹啓

上吏部裴侍郎書

武功縣主簿駱賓王謹再拜書裴公執事曰書不盡
言言不盡意然則理存乎象非書無以達其微詞隱
乎情非言無以筌其旨僕誠鄙人也頗覽前事每讀
古書高堂九仞曾參負北向之悲積粟萬鍾季路起

南遊之歎未嘗不廢書輟卷流涕霑衣何者情蓄於衷事符則感形潛於內迹應斯通是布腹心罄瀝肝膽庶大雅含弘之量矜小人惻歎之誠惟君侯察焉賓王一藝罕稱十年不調進寡金張之援退無毛薛之遊亦何嘗獻策干時高談王霸銜材揚己歷抵公卿不汲汲於榮名不戚戚於卑位蓋養親之故也豈謀身之道哉不圖君侯忽垂過聽之恩任以書記之事擬人則多慙阮瑀入幕則高謝郝超昔聶政荆卿刺客之流也田光豫讓烈士之分也咸以勢利相傾意氣相許尚且捐軀燕趙甘死齊韓今君侯無知於下官見接以國士正當陪麾後殿奉節前驅賈餘勇

賈士

六

單伯南
楊用九

以求榮效輕生而荅施逡巡於成命躊躇於從事者徒以夙遭不造幼丁閔凶老母在堂常嬰羸恙藜藿無甘旨之膳松檟闕遷措之資撫躬在亡何心天地故寢食夢想噬指之戀徒深歲時蒸嘗崩心之痛弥極若僕者固名教中一罪人耳何面目以奉三軍之事乎况屬天倫之喪奄踰七月違膝下之養忽已三年而凶服之制行終哀疚之情未洩興言永慕舉目增傷夫怨於心者哀聲可以應木石感於情者至性可以通神明故徐元直寸心以求辭李令伯陳情以窮訴上以弃與王之佐命下以全奉親之篤誠而蜀主不以爲非晉君待之逾厚此二者豈貪貧賤惡榮

華獸萬乘之交甘死夫之辱也蓋有不得已者哉人有乾沒為心脂韋成性捨慈親之色養許明主以驅馳內忘顧復之私外存傳會之眷薄骨肉厚榮寵苟背恩而自效則君侯何以處之且義士期乎貞夫忠臣出乎孝子既不能推心以奉母亦焉能死節以事人假物議之無嫌實吾斯之未信也况流沙一去絕塞千里子迷入塞之蒐母切倚廬之望就令歡以卒歲仰南薰之不貲而使憂能傷人迫西山而何幾君侯情深錫類道叶天經明恕待人慈心應物儻矜犬馬之微願憫鷺雀之私情寬其負恩遂其終養則窮蒐有望老母知歸再拜

賈七

七

畢紹南
揚州九

與程將軍書

昨見武郎將備陳將軍之言恩出非常談過其實恭聞嘉惠深用慙惶君侯懷管樂之材當衛霍之任豐功厚利盛德在人送徃事居元勳蓋俗智足以興皇業道足以濟蒼生尚且屈公侯之尊伸管庫之士若下僕者天地一無用芻狗耳粵自旌賁之辰即逢聖明之厯材不經務不能成佐命之功智不通時不能包周身之防加以天資木強不能屈節權門地隔蓬心不能買名時議常願為仁由己喪我於吾見機可以絕機無用之為有用隨時任其舒卷與物同其波流者矣其於木也班匠無措其鈎繩其於駕也良樂

無所施其銜策不悟聖朝發明敷之制君侯緝雍熙之道曲垂提獎廣借游談猥以樗櫟之姿忝預賢良之薦當今鴻都富學麟閣多英非游夏不可以昇堂非萸牙不可以擊節儻使片言失德事暴區中匹夫竊議語流天下進乖得賢之舉退貽薄德之譏恐不肖之軀爲高明之累耳必能一眄增價九術先登燕昭爲市駿之資郭隗居禮賢之始則當效駑鉉之用飾固陋之心陶鑄堯舜之典謨憲章文武之道德上以究三才之能事下以通萬物之幽情勿使將詞翰爲行己外篇文章是立身歧路耳又何足道哉言而不慙者恃惠子之知我也所恨禁門清切造別無緣

賓七

八

畢紹南
楊用九

宮守牽纏風期有限某尚期倅滿儻泛孤舟萬里煙波舉自有江山之恨百齡心事勞生無晷刻之歡嗟乎流水不窮浮雲自遠露襟此別把袂何時恃以平生之私忘其貴賤之禮

答貞半千書

張評事至辱惠書及詩把翫無狀慙如有叙上言離恨下勗交情篤以猛風乾蘇之談引以驟雨濕薪之喻雖聞義則徙道存於起予而擬人失倫事均乎翫物借如誠說益足下之不知言儻或劇談豈吾人之所仰望夫鯤之爲魚也潛碧海泳滄流沉鯁於渤海之中掉尾乎風濤之下而濠魚并鮒自以爲可得而

齊焉鵬之爲鳥也刷毛羽恣飲啄翼於天地之間
宛頸乎江海之畔而雙鳧乘鴈自以爲可得而襲焉
及其化羽垂天搏風九萬振鱗橫海擊水三千寧肯
借翰於搶榆假力於在藻資江濱涓流之水待堀堞
揚塵之風哉故張子房之達人也擊水搏風之適焉
朱買臣之屈士也戢翼沉鰓之致焉足下雅得古人
之致不乏先賢之適自守莊筌無嬰魏網亦寧不知
在藻搶榆之力非擊水搏風之助哉而詞旨慙慙深
所未論蓋言尔志豈若是乎夫人間百年物理千變
名利寵辱之情立矣愛憎毀譽之迹生焉其有道在
則尊德成而上幽貞爲虛白之室靜默爲大玄之門

賓七

九

畢紹南
楊用九

知軒冕是儻來悟榮華非力致苟斯道不墮亦何患
乎無成而欲圖僥倖於權重之交養聲譽於衆多之
口斯所以揚朱徘徊於歧路阮籍怵惕於窮途嗟乎
露往霜來歲華不待山高河廣離會無時桂樹寒花
公子去而忘返松巖春草王孫遊乎不歸去矣負生
遠離隔矣音塵不嗣情其勞矣畏途空谷靜躁殊矣
惠而好我無密尔音

與博昌父老書

月日駱賓王致書于博昌父老等承並無恙幸甚幸
甚雲雨俄別風壤異鄉春渚青山載勞延想秋天白
露幾變光陰古人云別易會難不其然也自解携襟

袖十五年交臂存亡略無半在張學士溘從朝露辟
閭公倏掩夜臺故吏門人多遊蒿里耆年宿德但見
松丘嗚呼泉壤殊途幽明永隔人理危促天道奚言
感今懷舊不覺涕之無從也過隙不留藏舟難固追
惟逝者浮生幾何哀緣物興事因情感雖蒙莊一指
殆先覺於勞生秦失三號詎忘情於怛化啜其泣矣
尚何云哉又聞移縣就樂安故城廡宇邑居咸從其
地里開阡陌徒有其名荒徑三秋蔓草滋於舊館頽
墉四望拱木多於故人嗟乎仙鶴來歸遼東之城郭
猶是靈烏代謝漢南之陵谷已非昔吾先君出宰斯
邑清芬雖遠遺愛猶存延首城池何心天地雖則山

賓七

十

陳士英
甘芝敬

河四望是稱無棣之墟松檟千秋有切惟桑之里故
每懷宿昔尚想經過于役不遑願言徒擁今西成有
望東戶無爲野老清談怡然自得田家濁酒樂以忘
憂故可洽賞當年相歡卒歲寧復惠存舊好追思昔
遊所恨跂予望之經途密迹佇中衢而空軼巾下澤
而莫因風月虛心形留神往山川在目室迳人遐以
此懷勞增其歎息情不遺書何盡言意

與親情書

風壤一殊山河萬里或平生未展或睽索累年存沒
寂寥吉凶阻絕無由聚洩每積淒涼近緣之官佐任
海曲便還故里莫叙宗盟徒有所懷未畢斯願不意

遠勞折簡辱逮湮淪雖未叙言暫如披面晚夏炎鬱
並想履宜某初至鄉間言尋舊友者年者化爲異物
少壯者咸爲老翁山川不改舊時丘隴多爲陳迹感
今懷古撫存悼亡不覺涕之無從也詢問子姪彼亦
凋零永言傷情增以悲慟雖死生之分同盡此途而
存亡之情豈能無恨終期展接以申闊懷取此月二
十日柩成禮事過之後始可得行祇叙尚賒傾系
何極各願珍昂遠無所詮

駱賓王文集卷第七

賓七

十一

暹
楊用九

駱賓王文集卷第八

雜著

李長史宅宴序

王司馬樓宴序

冒雨尋菊序

楚國寺宴序

餞宋三詩序

竇六郎宅宴序

送閻五序

餞尹大陸道士序二首

送益府參軍序

餞麴錄事序

餞李八詩序

揚州看覓渡序

與群公宴序

對策文三道

秋日於益州李長史宅宴序

夫以五岳棲真杳眇青溪之上六爻貞遁寂寞滄海

賞八

一

列祥林
去世云

之濱斯並激俗矯時獨善之風自遠懷材韞價兼濟
之道未引長史公少牝凝神虛舟應物得喪雙遣巢
由與許史同歸寵辱兩存廊廟與山林齊致乘展驥
之餘暇俯沉犀以開筵曲浦澄漪似對任棠之水茅
亭興洽如歸山簡之池加以秋水盈襟寒郊滿望洲
渚蕭而蒹葭變風露凝而荷芰踈忘懷在真俗之中
得性出形骸之外雖四子講德已頌美於中和而五
際陳詩未形言於大雅爰命虛謏題其序云弁側山
頽自有琴歌留客操觚染翰非無山水助人盍各賦
詩式貽樂事云尔

初秋登王司馬樓宴序



司馬公千里騰光翼外臺而展足九日多暇敞麗譙
以開筵于時葭散秋灰檀移夏火鴻飛漸陸流漸吹
以來寒鶴鳴在陰上中天而警露於是鑄開玉饌交
雜佩而薰蘭酒泛金翹映清罇而湛菊雖傍臨廣派
有異漳渠之遊而俯瞰崇墉雅叶城隅之會物色相
召江山助人請振翰林用濡筆海云尔

冒雨尋菊序

白帝徂秋黃金勝友解塵成契冒雨相邀問涼燠則
鴻鴈在天敘交遊則芝蘭滿室砌花舒菊還同載酒
之園岸菜低松直枕維舟之浦參差遠岫斷雲將野
鶴俱飛滴瀝空庭竹響共雨聲相亂抑折巾於書閣

賓八

二

列祥林
吳世永

行見飄颻挹雅步於琴臺坐聞流水字中科斗竟落文
河筆下蛟龍爭投學海珠簾映水風生曳露之濤錦
石封泥苔濕印龜之岸泛蘭英於戶牖座接雞談下
木葉於中廚池烹野鴈墜白花於濕桂落紫蒂於踈
藤雖物序足悲而人風可愛留姓名於金谷不謝季
倫混心迹於玉山無慙叔夜

晦日楚國寺宴序

夫天地文通忘筌蹄者蓋寡人間行樂共煙霞者幾
何群賢抱古人之清風翫新年之淑景情均物我緇
衣將素履同歸迹混汗隆廊廟與江湖齊致于時春生
城闕氣改川原聞遷鷺之後時行欣宦侶見遊魚之

貪餌坐悟機心加以慧日伍輪下禪杖而返照法雲
凝蓋浮定水以涵光忘懷在真俗之中得性出形骸
之外雖交非習靜多慙谷口之談醉可逃喧自得山
陽之氣詩言志也可不云乎

錢宋三之豐城詩序

黯然銷魂者豈非生離之恨歟帝里天津槐衢分黑
龍之水巴陵地道楓江連白馬之門親友徘徊締歡
言於促膝故人樽酒掩離涕於交頤于時晚吹吟桐
疑奏離別之曲輕秋入麥似驚搖落之情白日將頽
青山行暮想姑蘇之地夕露霑衣望吳會之郊斷風
飄蓋嗟乎岐路是他鄉之恨溝水非明日之權玉斗

賔八

三

鄭詳林
吳世永

臨吳太阿之氣可識金陵背楚小山之路行遙盍各
賦詩式昭離緒

初秋於竇六郎宅宴序

六郎道合采葵嘯懸鶉而契賞諸君情諧伐木仰登
龍以締歡于時一葉驚寒下陳柯而捲翠百花凝照
撲虛牖以披紅旣而俱欣得免之情共掩亡羊之淚
物我雙致匪石席以言蘭心口兩齊混汗隆而酌桂
雖忘筌戴笠與交態於靈臺而擗管操觚叶神心於
勝氣盍陳六義請賦一言即事凝毫成者先唱云尔

秋夜送閻五還潤州序

閻五官言返維桑脩途指金陵之地李六郎交深投

漆開筵浮白主之樽于時璧彩澄虛漏輕光於雲葉
珪陰散迥搖碎影於風梧雖桂醕蘭釭■斲淹留於
一夕而青山黃鶴將惆悵於九秋請勒四言俱伸五際

秋日餞尹大往京序

尹大官三冬懸暢指蘭臺而拾青薛六郎四海情深
飛桂樽而舉白于時兔魄東上龍火西流劍彩沉波
碎楚蓮於秋水金輝照岸秀陶菊於寒隄旣切送歸
之情弥軼窮途之感重以清江帶地間吳會於星津
白雲在天望長安於日路人之情也能不悲乎雖道
術相忘叶神交於靈府而風煙懸隔貴申心於翰林
請振詞鋒同開筆海人爲四韻用慰九秋

賓八

四

鄭祥林
吳世永

秋日餞陸道士陳文林序

陸道士將游西輔通莊指浮氣之闕陳文林言返東
吳脩途走落星之浦於是維舟錦水藉蘭若以開筵
綈騎金隄泛榴花於祖道于時赤燦沉節青女司辰
霜鴈銜蘆舉賓行而候氣寒蟬噪柳帶涼序以含情
加以山接太行聳羊腸而飛蓋河通少海疏馬頰以
開瀾登高切送歸之情臨水感逝川之歎旣而嗟別
路之難駐惜離樽之易傾雖漆園筮蹄已忘言於道
術而陟陽風雨貴抒情於詠歌各賦一言同爲四韻
庶幾別後用暢離憂云尔

初春邪嶺送益府參軍序

分首三春送君千里青山白日非舊國之春秋翠學
清罇是他鄉之盃酒況復圭峯南望切登高之情渭
水北流動臨川之歎于時寒光將歇春景未華殘雪
飄花猶開六出輕冰涵鏡未解三川晨風軫孫楚之
情歧路下揚朱之淚雖再言再笑賞風月於離前一
詠一吟寄心期於別後詩言志也可不云乎

秋日餞麴錄事使西州序

麴錄事務切皇華指輪臺而鳳舉群公等情敦素賞
臨別館而鳧分促樽酒而邀懽望山川而起恨于時
露團龍雲斂鴈天落葉響而庭樹寒殘花踈而蘭
皐晚聞秋聲之亂水已愴分溝對零雨之飄風倍傷

賔八

五

祥林
吳世永

歧路五日之趣未淹蘭籍之娛二星之輝行照葱河
之境清颯朗月我則相思隴水秦川君方嗚咽行歌
不駐遽驚班馬之嘶贈言可申聊振飛魚之藻人探
一字四韻四篇

餞李八騎曹詩序

夫人生百齡促昧是忘言之契丈夫四海交頤非贈
別之資然而想山川之遽遙送歸將遠惜歲華之不
待行樂無時是用輟征驂以少留敞離亭而多暇山
芳襲吹坐疑蘭室之中水樹含春宛似楓江之上加
以御溝新溜近入離弦賓館餘花遙催別酒旣而榮
波東注灞岸南登淥蟻傾而高宴終金烏落而離言

促雖相思有贈終結想於華滋而素賞無睽盍申情
於麗藻人爲四韻各賦一言

揚州看覓渡序

夏日江干駕言臨眺于時桂舟始泛蘭棹初遊鼓吹
咽江山羅綺蔽雲日嬾娟舞袖向淥水以全低飄颺
歌聲聽清風而更遠是以眼波笑臉艷出浦之輕蓮
映渚娥眉麗穿波之半月靚粧舊飾此日增竒弦管
相催茲辰特妙能使洛川迴雪猶賦陳思巫嶺行雲
專稱宋玉凡諸同好請各賦詩

秋日與群公宴序

昔挂瓢隱舜蹈箕山而不歸臨組逃齊泛滄波而長

賁八

六

群祥林
吳世永

往咸用潛心物外擯影丘中豈若擬迹小山陶心大
隱叶仲長之怡性偶潘岳之棲閑群公或道洽忘筌
契金蘭而貴舊或情深蓋披玉葉以文新于時王
女司秋金烏返照烟含碧篠結虛影於鮮枝風起青
蘋動波文於異態庭榴剖實耀丹彩以成珠岸石澄
瀾泛清漪而散錦旣而誓敦交道俱忘白首之情欸
尔連襟共挹青田之酒不有雅什何以攄情共引文
江同開筆海

對策文三道

問岱岳遊蒐入佳城而怛化瀛洲羽客竦鶴轡而輕
舉雖則備於縑素昭晰可觀求諸耳目虛無罕驗奔

杖成龍有異虞翻之旨銜恩結草寧符宗岱之言二者何從尔其揚擢

對遐觀素論眇覲玄風惟鬼惟仙難究難測至夫滕公長往佳城開白日之徵洪涯不歸曾丘控紫雲之蓋或崇成蒼狗自是趙王之神道叶赤龍爰通陸安之治玉壘變萇引之血金闔化浮丘之靈固能目覩桑田來作西王之使竟遊蒿里還為北帝之臣然而將聖生鄒本忘情於語怪多材封魯亦默論於通仙洎乎大義已乖斯文將墜於是八儒三墨之道異軼分馳九流百家之文殊途覽爽語仙則有無交戰語鬼則虛實相紛遂使結草抗軍爰乖宗岱之論化竹

廣八

七

郭祥林
吳世永

游水有異虞翻之言然而博訪綿書緬尋曩冊徇其浮說徒有奔覽之談求諸至言抑匪經通之旨何則高明瞰室已著六爻之文太虛游形式編三洞之錄故齊君出獵遇豕啼於貝丘周嗣登仙浮鶴軒於洛浦况乎干寶碩德已緝搜神之書劉向通儒非無列仙之傳斯皆實錄諒匪虛談謹對

問士農工商四垠各業廢一不可取譬言五材而闡里致言鄙於學稼漆園起論爰稱絕巧豈先聖垂文義有優劣將隨方設教理或變通者哉尔其敷陳用啓前惑

對出震登皇垂衣裳而馭籙乘乾踐帝順舒慘而字

氓莫不列九土以開疆因四人而安業故農為政本
兩漢舉力田之勤財曰聚人九市列惟金之利陝龍
門而就日入仕彈冠斲蟬翼以成風追工運斧咸用
因人成事隨利濟時蓋五帝通規三王茂範然則泣
麟上聖訓三千以領徒夢蛛幽人搏九萬以齊物欲
使丘門志學折以問農之言漢渚絕機杼以灌園之
巧斯乃變通權教趨捨適宜當今海內又安天下樂
業仕植舊德農服先疇自可孫引獻書以待公車之
制王丹載酒時慰田家之勞謹對

問四十強仕七十懸車著在格言存諸甲令然則顏
駟韞價殆乎白首和尊播美始自齧年欲使滋泉之

賔八

八

新祥林
吳世承

彥必臻洛陽之才無捨則隄防或爽襟帶徒施其道
如何佇聞嘉荅

對竊聞君人有作義佇良材貞士徇名理資明主是
知君必待士士必待君故使飛龍在天荀勗代良平
之榮巨魚縱壑元后得唐虞之后然則否泰或爽材
運難并歲漸縣車尚牧淄源之豕年甫志學且珥漢
庭之貂是知因籍時來和君播玄鬢之俊當其未遇
顏生致白首之勤語其古今稽之運會雖則人事抑
亦天時當今乘六御天得一居帝翹車獵彥東帛旌
賢故當柱幽人罷韜真於文豹青蓮江使自裂兆於
非熊豈止洛陽之才來儀漢國滋泉之叟降止周朝

而已哉某談謝二龍識迷三豕徒以鑽禾輕焰仰昇
扶而曜暉化草餘光對會桂而炒彩迴違如失俯仰
多慙謹對

駱賓王文集卷第八

賓八

九

鄭祥林
吳世永

駱賓王文集卷第九

雜著

帝京篇

疇昔篇 雜言

姚州道破逆賊諾波弄楊虔露布

又破設蒙儉露布

帝京篇

山河千里國城闢九重門不覩皇居壯安知天子尊
皇居帝里峻函谷鷄野龍山侯甸服五緯連影集天
躔八水分流橫地軸秦塞重關一百二漢家離宮三
十六桂殿陰岑對玉樓椒房窈窕連金屋三條九陌
麗城隈萬戶千門平旦開複道斜通鳩鵲觀交衢直

賓九

一

陳士英
甘茂利

指鳳凰臺劍履南宮入簪纓北闕來聲明冠裳宇文
物象昭回鈎陳肅蘭彤壁沼浮槐市銅羽應風迴
金莖承露起校文天祿閣習戰昆明水朱邱抗平臺
黃扉通戚里平臺戚里帶崇墉灼金饌玉待鳴鍾小
堂綺帳三千萬大道青樓十二重寶蓋彫鞍金絡馬
蘭窻繡柱玉盤龍綺柱琰題粉壁映鏘金鳴玉王侯
盛王侯貴人多近臣朝遊北里暮南鄰陸賈分金將
讌喜陳遵投轄正留賓趙李經過密蕭朱交結親丹
鳳朱城白日暮青牛紺幘紅塵度俠客珠彈垂楊道
倡婦銀鈎采薪路倡家桃李自芳菲京華遊俠盛輕
肥延年女弟雙飛入羅敷使君千騎歸同心結縷帶



連理織成衣春朝桂樽樽百味秋夜蘭燈燈九微翠
幌珠簾不獨映清歌寶瑟自相依且論三万六千是
寧知四十九年非古來榮利若浮雲人生倚伏信
難分始見田竇相移奪俄聞衛霍有功勳未厭金陵
氣先開石椁文朱門無復張公子灞亭誰畏李將軍
相顧百齡皆有待居然萬化咸應改桂枝芳氣已銷
亡栢梁高宴今何在莫矜一旦擅豪華自言千載長
驕奢倏忽搏風生羽翼須臾失浪委泥沙黃雀徒巢
桂青門遂種瓜黃金銷鏤素絲變一貴一賤交情見
紅顏宿昔白頭新脫粟布衣輕故人故人有湮淪新
知無意氣灰死韓安國羅傷翟廷尉已矣哉歸去來

賔九

二

陳士英
甘芝歌

馬卿辭蜀多文藻楊雄仕漢乏良媒三冬自矜成足
用十年不調幾遭迴汲黯薪逾積孫弘閣未開誰惜
長沙傅獨負洛陽才

疇昔篇

少年重英俠弱歲賤衣冠既託寰中賞方承膝下歡
遨遊灞陵曲風月洛城端且知無玉饌誰肯逐金丸
金丸玉饌盛繁華自言輕侮季倫家五霸爭馳千里
馬三條竟驚七香車掩映飛軒乘落照參差步障列
朝霞池中舊水涵懸鏡屋裏新粧不讓花意氣風雲
倏如昨歲月春秋屢迴薄上苑頻經柳絮飛中園幾
番梅花落當時門客今何在疇昔交遊已踈索莫見

憔悴損容儀會得高秋雲霧廓淹留坐帝鄉無事積
炎涼一朝被短褐六載奉長廊賦文慙昔馬執戟慕
前楊揮戈出武帳荷筆入文昌文昌隱隱皇城裏由
來奕奕多才子潘陸詞鋒駱驛飛張曹翰苑縱橫起
卿相未曾識王侯寧見擬徒勞倦負薪何處逢知己
判將運命賦窮通從來竒舛任西東不應永弃同芻
狗且復飄飄類轉蓬容鬢年年異春花歲歲同榮親
未盡禮徇主欲申功脂車秣馬辭鄉國縈轡西南吏
叩棘王壘銅梁不易攀地角天涯眇難測鷺鸞蟬吟
有悲望鴻來鴈度無音息陽關積霧萬里昏劒閣連
山千里色蜀路何悠悠岷峯阻且脩迴腸隨九折迸

賔九

三

陳士英
甘芝齋

淚下雙流寒光千里暮露氣二江秋長途看東馬平
水見沉牛華陽舊地標神制石鏡娥眉真秀麗諸葛
才雄已号龍公孫躍馬輕稱帝五丁卓犖多竒力四
士英靈用文藝雲氣橫開八陣形橋影遙分七星勢
川平煙霧開遊戲錦城隈墉高龜望出水淨鴈文迴
尋妹入酒肆訪客上琴臺不識金貂重偏惜玉山頽
他鄉苒苒消年月帝里沉沉恨城闌不見猿聲助客
啼唯聞旅思將花發我家迢遞關山裏關山迢迢不
可越故園梅柳尚有餘春來勿使芳菲歇解袂欲言
歸執袂愴多違北梁俱握手南浦共沾衣別情傷去蓋
離念惜光輝梢■有何託木落有南飛平陸春來酒

應熟相將齒閣望青溪且用藤盃泛黃菊十年不調
爲貧賤百日屢遷隨倚伏祗爲須求負郭田使我再
干州郡祿百年鬱鬱少騰遷萬里迢迢入鏡川吳江
沸潮衝白日淮海長波接遠天叢竹疑朝露孤山起
暝煙賴有邊城月常伴客旌懸東南美箭箚吳會名
都隱軫三江外塗山執王應昌期曲水開襟重文會仙
鐫流音鳴鶴嶺寶劒分輝若蛟瀨未看白馬對蘆芻
且覺浮雲似車蓋江南節序多文酒屢經過共踏春
江曲俱侶采菱歌舟移疑入鏡棹舉若乘波風光無
限極歸楫礙池荷眺聽煙霞正流眄即從王事歸艫
轉芝田花發屢徘徊金谷德明重遊衍登高南適嗤

賔九

四

陳士吳
甘芝菊

梁叟憑軾西征想潘掾峯開華岳聳疑蓮水激龍門
急如箭人事謝光陰俄遭霜露侵偷存七尺影分沒
九泉深窮途行泣玉憤路未藏金茹茶徒有歎懷橘
獨傷心年來歲去成銷鑠懷抱心期漸寥落挂冠裂
冕已辭榮南畝東臯事耕鑿賓階客院常踈散蓬徑
柴扉終寂寞自有林泉堪隱棲何必山中事丘壑我
住青門外家臨素滄濱遙瞻丹鳳闈斜望黑龍津荒
衢通獵騎窮巷抵樵輪時有桃源客來訪竹林人昨
夜琴敲奏悲調旭旦含嚔不成笑果乘駘馬發罵書
復道郎官稟綸誥冶長非罪曾縲絏長孺然灰也經
溺高門有閣不圖封峻筆無聞欲敷妙適離京兆謗

還從銜府彈炎威資夏景平曲況秋翰畫地終難入
書空自不安吹毛未可待搖尾且求食丈夫坎壈多
愁疾契闊迤邐盡今日慎罰寧憑兩造辭嚴科直挂三
章律鄒衍銜悲衝燕獄李斯抱怨拘秦格不應白髮
頓成絲直爲黃沙暗如漆紫禁終難叫朱門不易排
驚寬聞菜落危魄逐輪埋霜威遙有勵雪枉更無階
含冤欲誰道飲氣獨居懷忽聞驛使發關東傳道天
波萬里通涸鱗去轍先遊海幽禽釋網便翔空舜澤
堯曦方有極讒言巧佞讜無窮誰能躅迹依三輔會
就商山訪四翁

姚州道破逆賊諾波弄楊虔露布

賔九

五

陳士吳
甘芝齋

尚書兵部臣聞北極列象六合奉天子之尊南面乘
乾一統成聖人之業是知衣裳所會義有輯於殊鄰
霜露所均誠薰育於異類故塗山萬國誅後至者防
風丹浦一戎緩前禽者就日然則利弧矢以威天下
法雷霆以震域中四時行焉天道不能去煞五兵備
矣皇業所以勝殘雖事切救焚苟順時以濟物恩深
祝網不獲已而用兵伏惟皇帝陛下登翠媯以握圖
憲紫微而正象亥功不宰混太始以凝神至道無名
佇華胥而得夢闡文教以清中夏崇武功以制九夷
環海十洲通波太液之水鄧林萬里交影甘泉之樹
反踵穿胷之域襲冠帶以來王奇肱僂耳之酋奉正

湖而請吏逆賊蒙儉和舍等浮竹遺屑沉木餘苗邑殊禮義之鄉人習貪殘之性日者皇明廣燭帝道遐融頗亦削左衽而被朝衣解推髻而昇華冕而豺狼有性梟獍難馴遂敢亂我天常變九隆而背誕負其地險攜七部以稽誅搔亂邊疆敘數州郡是用三門授律長馳無戰之師五月渡瀘深入不毛之地去月二十日軍次三朮嶺鎮前後捕得生口知守捉山羌傍山連結十部蠻有徒五萬衆此山即南中巨防也岡巒千里西通大荒之郊溪谷萬重南極炎洲之境聳喬林而插月陰靈有假道之標拔崇巖以隱天陽鳥無迴翼之地峯危束馬路絕懸車賊踞臨代之形

賡九

六

陳士英
甘芝泉

乘建瓴之勢徵風召雨蜩起蜂飛驅雜種以挺災封狐千里肆沉黎而作孽雄虺九頭臣以為制敵以權柔遠者理成於德教伐叛以義決勝者不在於干戈於是廣布朝恩恭宣帝澤申之以安撫曉之以存亡信重蠻陬無負黃龍之約賞隆漢爵不踰白馬之盟地接周駢詞屢殫於喻蜀俗通盤瓠聲不輟於吠堯臣遣左二軍子總管寧遠將軍前守右驍尉井陘縣開國男劉玄暎等銜枚遠襲卷甲前驅偃危旆而設潛兵疑從天落乘間道而掩不備若出地中又遣右二軍子總管明威將軍行左武衛翊府郎將高奴弗率左武衛天水府折衝都尉張仁操等陟南山之南

衝其要害之路又遣左一軍子惣管前右金吾衛翊
府郎將孫仁感率府左果毅都尉王文雅等凌北山
之北絕其飛走之途賊首領楊虔柳諾没弄諾覽期
等振蟾蜍之力拒轍當輪縱蚊蚋之群弥山滿谷劉
惠基高奴弗孫仁感等並忠勤克著智略遠聞識明
君之重恩輕生有地提太阿之神劍視死無時彎弧
而兇黨土崩舉刃而妖徒瓦解雖危若沸鼎未窮梟
首之誅救死扶傷猶致折骸之靈二十日臣遣副惣
管兼安撫副使定遠將軍前左驍衛府中郎將令狐
智通率右武衛良將壯府左果毅都尉韓惠德等擁
貔豹之雄順天機而左轉遣副惣管兼安撫使守銀

賈九

七

陳士英
古芝原

州刺史李天志率前左衛靜福府果毅都尉陳弘義
等率犀象之卒秉地軸以右迴又遣行軍司馬守舊
州都督府長史梁待辟率守金吾衛宜昌府果毅都
尉閻文成等惣投石拔距之材蹈中權而撫其背又
遣前守右武衛龍西府果毅都尉康留買等騰躍鐵
獸歎金之駢犯前茅而扼其喉臣率守衛清官府左果
毅許懷秀等橫玉弩以高臨縱金鉦而直進玄雲結
陳影密西郊赤堇揮鋒氣衝南斗颺塵埃而布地白
日爲之晝昏積氛侵以稽天滄溟爲之晦色兵交刃
接鳥散魚驚自矧及申追奔逐北斬首千餘級轉戰
三十里激流膏而爲泉似變萇引之血委亂骸而擠

壑若浮蠶靈之屍旣而照盡高春雲昏乙夜賊乃收
集餘衆保據重巖臣度彼遊覓慮其宵遁使三軍齊
進四面合圍二十三日乘魚爛之危啓地形之陣揚
麾誓衆杖節訓兵一鼓先登賞必懸於芳餌九攻失
律罪無赦於嚴誅五部材雄三河俠少或生居燕地
尤工即墨之圍或家本秦人早習昆明之戰叱吒則
江山搖蕩慷慨則林壑飛騰舉鵬力以揚威耀犀渠
而賈勇澄氛廓禔回夏景之潰春水滅迹掃塵若霜
風之卷秋籜戰踰百里時歷三朝前後生擒四千餘
人斬首五千餘級諾沒弄楊虔柳等殞元行陣懸首
旌門蒙儉和舍等委衆奔馳脫身挺險雖復刑以止

賈九

八

陳士吳
甘芝果

殺丁壯咸伏於誅夷禮不重傷班白必存於寬宥昔
魏臣賦蜀徒聞蒟醬之竒漢使開印纔通竹杖之利
豈若膺紫泥而吊伐指丹徼以臨戎一戰而孟獲已
擒再舉而哀牢授首斯並皇威遠暢廟略遐宣奉玄
猷以配天徒知帝力掩皇輿而闡地豈曰臣功不勝
慶快之至謹奉露布以聞

又破設蒙儉露布

臣聞七緯經天星墟分張翼之野八紘紀地炎洲限
建木之鄉西距大秦雜金行而孕氣南通交趾枕銅
柱以爲鄰俗帶白狼人習貪殘之性河淪赤虺川多
風雨之妖水積炎氛山涵毒霧竹浮三節肇興外域

之源木德允隆頗爲中國之患年將千祀代歷百王
鄭純之化不追孟獲之風逾扇彼三年疲衆徒聞定
笮之譏五月出師未息渡瀘之役然則大人拯物上
聖乘期法乾坤以握樞體剛柔而建極知仁義不能
禁暴設刑網以勝殘知揖讓不可濟時用于戈而靜
亂伏惟皇帝陛下祥螭戴玉拓地軸以登皇道契寢
繩掩天紘而踐帝玄雲入戶纂靈瑞於丹陵綠錯昇
壇薦禎圖於翠渚垂衣裳以朝萬國崇玉帛而禮百
神昭儉防奢露臺惜中人之產宣風布政明堂法上
帝之宮致群生於太和登品物於仁壽四神踐雪五
老飛星君圍祥麟樂班文於仙卉女牀鳴鳳韻歸昌

賀九

九

陳士美
甘芝采

於帝梧四隩同文五風異色配林萬里纔疏苑囿之
基曾城九重未出池隍之域六合照臨之地候月歸
琛大鑪覆載之間占風納賁蠹茲蠻貊敢亂天常橫
赤標以䟽壇背朱提而設險崇林萬仞巖邑千里望
秦阜以相傾峭陵失四塞之阻對梁山而錯峙劍門
成一簣之峯自謂絕壤遐荒中外足以迷轂教憑深
負固江山可以逃靈誅不知玉弩垂芒泗水無九嬰
之迹瑤階舞鉞洞庭有三苗之墟臣等謬以散材忝
專分閫自白招乘候順秋帝以揚旌絳節臨邊通夜
郎而解辯自營開舊穴旃轉印川峻岐折坂之危盡
亡襟帶滇池漏江之固曾莫藩籬唯逆賊設蒙儉等

未革狼心仍懷豕突陸梁放命旅拒偷安城接祠鷄
竟無希於改旦山多神鹿終未息於擇音臣以大帝
宣威有征無戰明王杖順先德後刑加聖澤於中孚
緩天誅於大造庶南薰解愠仰雲闈以翔寬東律變
音扣轅門而頓顙而祝禽踈網徒開三面之恩毒虺
挺袂逾肆九頭之暴乃鳩集餘衆蟻結兇徒僭耳椎
髻之渠千里霧合鑿齒雕題之孽一呼雲屯凌石菌
以開營拒巖椒而峻壘崇巒切漢若登藏寶之山絕
整憑霄似瞰封泥之谷以去月十七日運營布陣踞
險揚兵東西三十里馬步二十萬聚蚊蚋而成響穀
若雷霆縱蛇豕以爲群氣昏宇宙臣遣中郎將令狐

賈充

十

陳士英
甘芝泉

智通等擁拔山超海之雄當其步陣遣銀州刺史大
志等駢躍景騰雲之騎承其馬軍遣舊州刺史行軍
司馬梁待辟等領勁卒一千絕其飛走之路遣臨源
府果毅馬仁靜等勒精兵九百斷其潛伏之軍臣率
行軍長史韓餘慶等負霜戈而直進指雲陣以長駟
庶令斬馘七擒將士挾雷公之怒伏屍百死蠻夷識
天子之威於是三略訓兵五申誓衆先登陷敵無遺
大樹之功後拒亂行必致曲梁之罰楚人三戶蜀郡
五丁氣擁玄雲精貫白日喑鳴則乾坤搖蕩呼吸則
林壑沸騰列旗影以雲舒似長虹之東指橫劍鋒而
電轉疑犬火之西流刃接兵交洞曾達腋自辰踰午

魚爛土崩涕殘息於曾峯更切守陣之哭積負顛於
重阜殆成京觀之封唯賊師夸千未悟傾巢之兆敢
懷拒轍之心獨率馬軍平川轉鬪驚塵亂起六合爲
之寢光殺氣相稽四溟由是變色副惣管李大志忠
惟徇國義則亡軀臨危而貞節逾明制敵而神機獨
遠丹誠自守雖九死其如歸白刃交前豈三軍之可
奪投袂則袂徒霧廓舉旗而克黨山崩於是乘利追
奔因機深入困獸猶鬪如戰稟君之蒐窮鳥尚飛如
鷲杜宇之魄斬甲卒七千餘級獲裝馬五千餘疋僵
屍蔽野臨赤坂而非遙流血洒途視丹徼以何遠首
領和舍等並計窮力屈面縛軍門寬其萬死之誅引

寃九

十一

陳士吳
甘芝采

以再生之路唯蒙儉脫身挺險負命窮山頽巢穴而
靡依逃晷漏而何幾況妖徒革面徼外非復他人部
落離心舟中皆爲敵國瞻言梟首指日可期凡在歸
降隨事招撫與之更始復其故業首丘懷戀疑臨舊
國之墟安堵識家似入新豐之邑然後班師遯水振
旅禺山建鴻勳於武功暢玄猷於文教庶荒陬襲中
原之禮邊壇息外戶之虞華封祝堯兆皇基於千載
夷歌頌漢美王澤於三章豈與夫天帝前星廣賜秦
公之冊坤元益地遙開王母之圖盖亦有云曾何足
紀斯並立謀廣運廟略遐覃一戎而荒憬肅清一鼓
而邊隅底定豈臣等提戈擐甲克全百勝之功杖節

揚麾能通九變之策謁藁街而獻旅大帝成規聞枹
杜之勞旋小臣何力不勝慶快之至謹遣行軍司馬
梁待辟奉露布以聞

駱賓王文集卷第九

賓九

十三

陳士英
甘芝影

駱賓王文集卷第十

雜著

代李敬業檄

應詔

自敘狀

祭趙郎將文

樂大夫挽歌五首

丹陽刺史挽歌三首

代李敬業檄

偽周武氏者人非溫順地實寒微昔克太宗下陳曾
以更衣入侍洎乎晚節穢亂春宮密隱先帝之私陰
圖後房之嬖入門見嫉娥眉不肯讓人掩袂工讒狐
媚偏能惑主陷元后於翬翟致吾君於聚麀加以虺
蜴為心豺狼成性近狎邪佞殘害忠良殺子屠兄弑

賁七

吳大紘
大紘

君鳩母神人之所共嫉天地之所不容猶復包藏禍
心窺竊神器君之愛子幽在別宮賊之宗盟委以重
任嗚呼霍子孟之不作朱虛侯之已亡燕啄皇孫知
漢祚之將盡龍釐帝后識夏庭之遽衰敬業皇唐舊
臣公侯冢子奉先君之成業荷本朝之厚恩宋微子
之興悲良有以也袁君山之流涕豈徒然哉是用氣
憤風雲志安社稷因天下之失望遂海內之推心爰
舉義旗以清妖孽南連百越北盡三河鐵騎成羣玉
軸相接海陵紅粟倉儲之積靡窮江浦黃旗匡復之
功何遠班聲動而北風起劍氣衝而南斗平喑鳴則
山岳崩頽叱咤則風雲變色以斯制敵何敵不摧以



斯攻城何城不克公等或居漢地或叶周親或膺重
寄於話言或受顧命於宣室言猶在耳忠豈忘心一
坏之土未乾六尺之孤安在儻能轉禍爲福送往事
居共立勤王之功無廢大君之命凡諸爵賞同指山
河若或眷戀窮城徘徊岐路坐昧先幾之兆必貽後
至之誅請看今日之域中合是誰家之天下

應詰

余以三伏辰行至七里灘此地即新安江口也有嚴
子陵釣磯焉澄潭至清洞澈見底往往有羣魚戲歷
歷如水行耳人有釣者試取餌而投之或有浮而不
顧者或有含而復吐者或有廉隅莫之近者或有貪

賞七

二

吳大猷
大猷

而輒吞之者引竿而舉因以獲焉其始出也乃掉尾
揚鬣有若恃力而自勉其少退也則鼓鰓濡沫有似
屈體而求哀嗟乎勢牽於人道窮乎我將欲以下座
而歌馮子又安能中轍而呼莊周哉余乃祝曰猛獸
搏也拘於檻穿鷲鳥攫也繫於籠樊素龜靈也被髮
河津白龍神也挂鱗置網何不泥潛而穴處何故貪
餌而吞鉤乎於是放之江流盡其生生之理時同行
者顧詰余曰夫至人之處世也擬迹而後投隱心而
後動終始不易其道悔吝不生其情而吾子沈緡於
川登魚於陸烹之可以習政術羞之可以助庖廚曩
求之將何圖今捨之將何欲余笑而應之曰聖人不

凝滯於物智士必推移於時知幾之謂神含生之謂道殷乙聖也囚於夏孔丘賢也畏於匡且夫明哲之資尚罹幽憂之患況乎鱗羽之族能無弋釣之累哉故曩吾有心也恐求之而不得今吾無心也既得之而捨求夫求與捨不亦雙羨乎烹與羞不亦兩傷乎況療飢者半菽可以充腹爲政者一言可以興邦亦奚必因小鮮而後明三異之規勦大命而後冀一殮之飽擒而不殺可不謂仁乎獲而不饗可不謂廉乎且夫垂竿而爲事者太公之遺術也形坐磻溪之石兆應滋水之璜夫如是者將以釣川邪將以釣國邪然後知古之善釣者其惟太公乎又有妙於此者其

賔市

三

大報

惟文王乎夫文王制六合爲鈞懸四海爲餌筮之於清廟投之於巨川一引而獲太公再舉而登尚父由此觀之蹲會稽而沈寤者鮑肆之徒也踞滄海而負鰲者漁父之事也斯並眇小者之所習安知大丈夫之所爲哉

自敘狀

某官某謹再拜言伏奉恩旨令通狀自敘所能某本江東布衣人也幸屬大鑪■與觀合璧光輝易彼上農叨茲下秩于今三年矣然而進不能談社稷之務立事寰中退不能掃丞相之門買名天下徒以黃離元吉白賁幽興沐少海之波瀾照重光之麗景雖

任能尚齒載引進善之規而觀過知人異降自媒之
旨是用披誠歷懇以抒愚衷若乃忘大易之謙光矜
小人之醜行彈冠入仕解褐登朝飾懷祿之心效當
年之用莫不徇名養利勵朽磨鉛自謂身負管樂之
資志懷周召之業若斯人者可勝道哉而循譽察能
聽言觀行捨真筌而擇士訟虛談以取材將恐有其
語而無其人得其實而喪其實故曰知人不易人不
易知抑又聞之知臣莫若君知子莫若父誠能簡材
試劇考績求功觀其所由察其所以臨大節而不可
奪處至公而不可干冀斯言之無虧於從政乎何有
若乃暗韋其迹乾沒其心說己之長言身之善覲容
冒進貪祿要君上以紊國家之大猷下以瀆狷介之
高節此凶人以爲恥況吉士之爲榮乎所以令銜其
能斯不奉令謹狀

祭趙郎將文爲李義作

姚州道大摠管李義祭趙郎將之靈唯靈降精辰象
委質昌期棄筆文場早徇封侯之志影纓武帳坐昇
戎秩之榮屬滇浦挺妖昆明習戰應星文而動將奉
天罰以揚威不能弘妙筭於四戎叶神謀於九變致
令王師失律兇狡憑陵嵩穴南臨同五溪之深入叩
關北阻類雙嶠之不歸亭候多虞故有負於明代春
秋責帥豈無慚於幽途夫任賢與能明君之事也陳

力就列忠臣之義也雖見危授命固誠節之有餘臨
難權機何智謀之不足嗚呼哀哉某猥以散材謬專
分閫途經夷落路踐戎場停疲駿於九原悲來有地
痛遺骸於四野泣下無從斲輟征旅之勤爰崇掩骼
之義庶幽靈有托梧丘息入夢之魂壯士不還薤歌
起送終之曲嗚呼九真邊徼萬里長安城危踈勒山
峻臯蘭因原爲隴即壤成棺夕陰曦而平蕪晦秋風
急而荒戍寒哀哉異域幽埏但有新栽松柏他鄉古
木非復舊邑粉榆感平生其若斯聊申絮酒儻聰明
之不昧式薦簞醪

樂大夫挽歌五首

賁七

五

六
九

可嘆浮生促于嗟此路難丘陵一起恨言笑幾時懽
蕭索郊埏晚荒涼井徑寒誰當門下客獨見有任安
蒿里誰家地松門何代丘百年三萬日一別幾千秋
返照寒無影窮泉凍不流居然同物化何處欲藏舟
昔去梅笳發今來薤露晞彤彤駟朝帝闕丹旒背王畿
城郭猶疑是原陵稍覺非九原如可作千載與誰歸
一旦先朝菌千秋掩夜臺青烏新兆去白馬故人來
草露當春泣松風向夕哀寧知荒隴外弔鶴自徘徊
忽見泉臺路猶疑冰鏡懸何如開白日非復覩青天
華表迎千歲幽高送百年獨嗟流水引長掩伯牙絃

丹陽刺史挽歌三首

百齡嗟倏忽一旦附山阿丹桂銷亡盡青松哀思多
薰風應聽曲薤露反成歌自有藏舟處誰憐隙駟過
惻愴柘山羽留連棣萼篇佳城非舊日京兆即新阡
城郭三千歲丘陵幾萬年惟餘松柏隴朝夕起寒煙
短歌三獻曲長夜九泉臺此室方高掩何年白日開
荒郊踈古木寒隧積陳芟獨此傷心地松聲薄暮來

駱賓王文集卷第十

賓十

六

大松
大根

駱賓王文集卷第十

荒松經古木寒隧積陳芟獨此傷心地松聲薄暮來
城郭三千歲丘陵幾萬年惟餘松柏隴朝夕起寒煙
短歌三獻曲長夜九泉臺此室方高掩何年白日開
荒郊踈古木寒隧積陳芟獨此傷心地松聲薄暮來
城郭三千歲丘陵幾萬年惟餘松柏隴朝夕起寒煙
短歌三獻曲長夜九泉臺此室方高掩何年白日開

駱賓王文集考異



駱賓王文集余友元和顧澗蘋廣圻用汲古閣毛氏所
藏本影寫近從之借來以校世行各本判然不同證諸
直齋書錄解題蜀本也分卷凡十為賦頌一詩四表啓
書二雜著三前有郝雲卿序又考舊新兩唐志皆以十
卷著錄是此實為唐宋相仍雲卿編次之舊矣惜其流
傳絕少遂摹刊印行澗蘋復取文苑英華互勘凡注集
作大抵相合其遇有可疑及集非苑是并苑無注者皆
加決定撰次為考異一卷至於苑有差違或兩得通雖
則甚夥咸在所略蓋非難了宜省繁蕪又世行本無足
信據故亦置而弗論既成屬余書首以著錄起兼發其

賓考

凡云時嘉慶丙子八月江都秦恩復序

卷第一賦頌

以下五卷皆宋槧印本

螢火賦

苑注有川本文粹一作按今文粹無此賦不更取之

雖造化之不殊

苑作萬是也

事有公情而動興

苑無有字

因物而

多懷

因上苑有字

資變化而含養

含苑作涵

既發揮以外融

融作揮

繞堂

忽凌虛而赴遠

忽苑作或是也

若改燧而中環

庭苑作夜

然重陰於已昏

皇而影泛

泛苑作偏是也

與庭燎而相炫

庭苑作夜

然重陰於已昏

庭苑作夜

然重陰於已昏

然重陰於已昏

然苑作照

對飛蛾之赴嬉

對當依苑改謝

居照斯晦

照當是

照當是

照當是

譎終徇己以致能

致苑作效是也

始未明於趨捨

於當依

吾又

吾又

安能知螢之為利

苑無能字是也

牛哀倏而化虎

虎苑作

殷憂積

殷憂積

庶幽鑿而或通

幽鑿苑作幽是也

覽光華而自照

光苑作

殷憂積

殷憂積

兮明且煎且當依蕩子從軍賦蕩改自儻餘光之可照光苑作輝

塞草長萎霜露文萎苑作垂比右校以疏營比苑作也雨雪凝寒

遍柳城兩苑作白且揚麾而挑戰且苑作亦鳥無情情苑作事而恒啼

閣牖之塵栖二句是也此脫鸚鵡杯中臨勸酒臨苑作寧是也

箇日新粧如復罷如苑作始

靈泉頌

篤行以通仁為本仁當依苑改神皇朝苑無此二字戶部負外苑有

郎早喪慈親親苑作母求懷鞠養之恩養苑作育北面興悲面苑作向

歡微祿以逮親歡苑作親故立身其若斯苑改當依時歲亢旱時上苑有

雖屬二字太夫人太上有苑純志浹於無和和當依苑改私注云集作

賓考

和蕭縣尉蕭苑作前道外外苑作合是也厥初生民民當依苑改人

卷第二雜詩

夏日遊德州贈高四

則覲耀連星耀上當闕羅闕字未詳翟公意闕字未詳

於紫雲觀於苑作雲作霞贈道士

在江南贈宋五之問

陽侯九派長陽侯當依苑改尋陽一朝殊默語默語苑作語默李仙非易

託苑注非集蘇鬼曲難因苑注曲集

代女道士王靈妃贈道士李榮

使青牛學劍端闕字未詳

卷第三雜詩子目未失餞鄭安陽入蜀一題

春霽早行苑作春日離長安容中言懷是也

秋日山行簡梁大官

得性靈遊刃案靈當是虛字之譌

晚望天山有懷京邑晚苑作曉是也

忽上天山路路苑作望行嘆戎麾遠戎麾苑作征蓬坐今夜帶賒令

憐弱水浸流沙浸苑作沒夜夜泣胡笳胡苑作鳴

晚泊河曲

金隄連曲岸曲苑作遠

晚渡黃河

照日榮光渾渾苑作淨日暮他鄉魂他鄉苑作不歸

早發淮口望盱眙望上苑有回字是也

賓考

三

洲迴連沙靜靜苑作淨是也

渡瓜步瓜苑作江是也

鳴榔下貴洲苑注洲集作州此誤

遠使海曲春夜多懷

未安蝴蝶夢案蝴蝶當作胡苑同集皆非

晚泊江鎮

轉蓬驚別渚句下苑有從橋愴離憂魂飛灞陵岸淚盡洞庭流振影希鴻陸四句是也此脫

宿山莊

緇化類秦裘案緇化當作化緇

望鄉夕泛

喜逐行前志志苑作至是也

西京守歲

西上苑有於字是也

行軍軍中行路難

苑作行路難注云一作從軍中行路難二首今按郭茂倩

直指三危登劍閣

危登當依苑改巴逾

絕壁千里險重是也里苑作夕息

倦樵歌

苑改誰何

東征西伐凡幾度

征苑作征伐地除際

行無已

除字誤

棄置勿重陳多苦辛

重陳下苑複有重陳二字是也

路幾千端

苑有難行路難歧路六字是也

君不見玉關塞色閨邊庭銅鞮雜虜寇長城天子按

劍征餘虜將軍受脰事橫行七德龍韜開玉帳千重

一作龜壘動金鉦陰山苦霧埋高壘交河孤

月照連營連營去去無窮極擁旆遙遙過絕國陣雲

賔考

朝結晦天山寒沙夕漲迷踈勒龍鱗水上開魚貫馬

首山前振鵬一作鵬

翼長驅萬里讐祈連分麾三令一作

命武功宣百發烏號遙碎柳七尺龍文迴照蓮春來

秋去移灰瑄蘭閨柳市芳塵斷鴈門迢遞尺書稀鴛

被相思雙帶緩行路難誓令氛侵靜皇蘭但使封侯

龍額貴頗一作詎

隨中婦鳳樓寒此首苑題云二題下注云同辛常伯軍中

作樂府詩集無題及注

宿渥城望軍營

兵符開帝

闕字未詳臨戎想

勳闕字未詳

白雲抱幽石

重巖

闕字未詳

危石

四月八日題七級

曲口号蓋煙

闕字未詳

早秋出塞寄東臺詳政學士

戌古秋塵冷

冷范作合

鄭安陽入蜀

鄭上苑有錢字是也

附送劉少府遊越州

一丘余枕石三月爾懷鉉離亭分鶴蓋別岸指龍川

背夏蟬聲斷來寒鴈影連如何溝水上悽斷聽離絃

此詩見范二百六十七卷在錢鄭安陽入蜀後集中無之當是傳寫脫落今錄補

附從軍行

平生一顧重意氣溢三軍野日分戈影天星合劔文

賓考

五

弓弦抱漢月馬足踐胡塵不求生入塞唯留死報君

此詩見范一百九十九卷集中無之亦當是傳寫脫落今錄補

卷第四雜詩

子目未失過故宋一題

寓居

范無此二字

洛濱對雪憶謝二

范此下有兄弟二字

衝颺限易哀

限范作憤注云集作恨

花避犯靈梅

靈范作霜注云集作雪

秋日送

錢范作

陳文林陸道士

林下有得風字三

字是也

送鄭少府入遼

范此下有共賦使客遠從戎七字是也按范別分賦物送人一

門可證集脫

秋日別侯四

范下有得彈字三字

送吳七遊蜀

贈別竟無言竟苑作竟是也

送王明府明苑作明上京苑無此二字參選苑此下有賦得鶴三字是

也集脫說見前

別李嶠得勝苑下有字

初秋登司馬樓宴登下苑有王字宴下有賦得同三字皆是也按有序在第八

卷八

初於六宅宴苑作初秋宴得風注云一作於寶六宅宴今按以第八卷序證之當

作初秋於寶六郎宅宴得風字集苑皆非

意盡深交冷按冷當是洽字之譌

冬日夜宴
春夜韋明府宅宴苑下有得風二字

賓考

六

促膝鸞觴滿昧苑作席

詠美人在天津橋苑作天津橋上美人

卷第五雜詩

詠懷古意上裴侍郎

□□不需用闕字未詳

錢駱四得鍾字

青山幾萬重錢駱四詩止此甲第驅車入自此句至末別為一首當是脫去題一行

遂誤連於錢駱四詩也亦送行之作但所送人及得字今皆無以補之

宋五之問得涼字按宋上當有送字

秋晨晨苑作晨是也同淄川毛司馬秋九詠

紫陌炎氣歇氣當依苑改氣

秋雲

空傷流滯情流苑作留是也

秋月

浮光漾急瀾光苑作波

詠鴈

啜藻蒼梧遠苑注云滄江一作蒼梧非

掉歌行

翫初月

忌滿光恒缺苑注云恒集作先此誤

卷第六表啓補用宋本影寫

為齊州父老請陪封禪表

賓考

陛下苑作伏唯皇帝四字

之作

和道士閨情詩啓苑無道士二字按以第二卷代贈詩證之似即道士李榮也

也

學士袁慶慶下苑有隆字

然入當作然字

上吏部侍郎帝京篇啓謹申奉和當作抽詞苑仍衍謹字

非敢希聲刻鶴鶴苑作鶴

幾下苑有失字是也

上司列太常伯啓

德由天縱由當依苑改攸上李少常

落亦有此聯可證下條同

白雲降王輔之精

霧深迷晚景晚當依苑改曉注云集作晚非

字是也

見駱賓王集注云

乘昏影暫流苑注云暫集作漸此誤

補用宋本影寫

七

祥洽五雲雲苑作靈仰壁輪而三舍御苑作

也

甚苑思然入巧苑作然思

申苑仍衍謹字

道叶

恐吾幾子

二字是也

苑作道叶

苑作道叶

苑作道叶

苑作道叶

苑作道叶

苑注云雲集
作星此誤
峯秀學山
至若二字
有水鏡澄花
作華私室

庶代耕之祿願
苑注願集作祿
云幽集作
庶望顧兔羅算
羅當依苑改離苑
名此誤
注云集作羅非

上李少常啓
常下苑
有伯字

是汗隆迭襲
隆作隆汗皆是也
汗照星影於宸維
影當依
苑注云集
灰心易然
然當依
欲乘幽控寂
欲上苑有
作影非
接

榆弱羽
棲苑作
捨是也
託輕夢於南樛
夢苑作葛注云
集作夢疑作蔓

上兗州啓
州下苑有刺
史二字是也

伏惟明使君
君下苑
有公字
珠還合浦
珠還苑作還珠
去珠還浦集苑
皆非

許明公於一驥
明公苑作
公明是也
濯纖鱗於涓滴
濯苑
作躍

上兗州崔長史啓

廣考

八

騁踪駿於咸陽
咸當作孫餘篇
陽可證也苑與
集同皆誤
孫車侯驚拂塵

之思
侯苑
伏惟公
有某字
騰孔雀之俊年
於俊苑苑改
作候

叶鳳彩於英姿
於當依
苑改之
韞風雲於稽巘
苑注云韞集
作輶此誤
而

頗亦蓄芬於露薄
蓄下苑有
餘字是也
時流咳唾
苑注流集
作留此誤
深懼

履尾
深懼苑作
懼深是也

附上兗州張司馬啓

某啓竊聞網澗緝裳
係指雲於偃蓋
排虛止棘附絕
電於纖離然則
左右爲容鏘金
有階於蟠木無
因而至按劍致懼
於連城是以賃牘
干榮發仞資於禽
息求光抱燧束緼
濟於于髡伏惟某
官瓊峯聳峭儼曦
觀而爭峙瑤派驚
瀾泝天潢而比濬
漢臺引路夕翊

浮雲之陰晉閣垂璫朝暉文星之苑劒池濯彩耀震
德於渥津弱水摘祥炒離精於丹穴辨懸瞳於朗鏡
肇自鵞年對似魄於虧陽光乎弱歲言河激箭浴紫
貝以飛湍情岳驚峯蔽丹霄而傑峻文條擢秀馥長
坂之幽蘭筆苑揚葩暉小山之丹桂松飈結韻摺紳
藉以雌黃崑電流光通賢資其月旦於是佐褰帷於
魯甸威讐列藩匡露冕於梁陰恩覃絕境緝諧麟甸
下白鶴於仙庭輔弼鳧郊重黃金於帝里加以獎拔
幽滯汲引英髦錫以吹噓暖燕郊之陰谷延之顧眄
焰漢圉之寒灰某篠派庸微桐巖賤伍託根鄒邑時
聞闕里之音接閉零津屢聽杏壇之說加以承斷織

賓考

九

之慈訓得銳思於書林奉過庭之嚴規遂容情於義
圃方欲閉門却掃養拙以終年幽遁鑿坏甘貧而卒
歲直以栖遲五畝獲鷦鷯之數粒蕭條三逕匱侏儒
之斗儲雖則放曠林泉頗得閑居之趣而乃寂寞蓬
戶唯深色養之憂是以望檄動容慨南陽而聞寂祈
名夙駕嘆郢路而依運方今涼秋屆節嚴飈扇序衡
陽極浦振朝音於負霜寒臯迴甸驚宵吟於靜野弓
旌之禮斯及辟聘之際是期不揆庸愚輕斯自衍所
冀分其末照惠以餘波得預觀光全由咳唾倘雲鑣
釋綈申其漱玉之音霜匣開輝照以盤蛟之影則陰
山之雀敢懷食藥之心漢東之蛇期致投珠之報不

勝窘迫之至謹啓

此啓見苑六百五十八卷之末接九卷首即接上齊州張司馬啓其爲實王文無疑也今錄補

上齊州張司馬啓

是以挹蘭言於斷金

苑注云挹集伏惟公馬二苑有司

靈鈞表貺鈞當依苑改鈞苑翼唐運以開皇

敬祖之清廉挹是也某苑上有是用絕心乾沒苑注云

若厲苑下字謹雖調清歌雅字是也庶金波離畢庶下苑有憂心

卷第七啓書

上廉使啓

仰皇華而暢息闕板苑暢息作息慮注集作暢在息字

賔考

慮字下耳此於集無施但伏惟公有某字既業成麟角

既下苑有願已驚鈿願苑作願是也巴當作雖噬臍思

歸臍當依苑改指上裴侍自銘於食稻思銘下苑有黃裳

童子裳苑作衣

上瑕丘韋明府啓

側聞側上苑有賔伏概羈蹄概苑作悟宋玉於嬰羅下

德馨含詠含苑烹鷄屈涵牛之量涵苑作勸誘青襟下

識於書林私當是祿字之譌苑作織是也至於九流百代代苑

是亦研其奧旨研下苑有精字閣板注集作乎在精字

也下按當於其字下注云二字集作乎苑

及集皆諒以糟糠不贍苑無諒字是也簞食無資食苑作箭是也

上郭贊府啓

側聞側上苑有賓王啓三字承樞嘯谷承樞苑作樞精是也韻清瀨於驚蘋

瀨苑作伏惟公府二字是也靈策動幽明之境動苑作

掩崑崙而作鎮崑崙是也故佐銅章於疆渚故苑有

翊馴翠於潘雉翊苑作稅康衢以自娛當稅

上梁明府啓此篇與苑全異苑注云集載此篇

後按苑本非也茲不更出唯著其所錄集本之異於左

伏惟公苑錄集本吟琴動操苑錄集本蒲石摘遷苑錄

聲鄉蓬轉按聲當是磬字之譌

實考

十一

上吏部裴侍郎書

武功縣主簿武上苑有四月謹再拜書裴公執事苑無再字

堂九仞見字是也忽垂過聽之恩之上苑有禮是也昔鼎

政荆卿卿苑逡巡於成命所上苑有崩心之痛弥極苑弥

而凶服之制行終苑注行集舉目增傷傷苑作酸注

故徐元直寸心以求辟寸苑作亂注云文粹作傷

且義士期乎貞夫且上苑母切倚廬之望廬苑就令歡

以卒歲粹苑作就憫鷺雀之私情憫苑注云集

再拜再上苑有賓王死罪四字是也

與程將軍書

若下僕者苑無天地一無用芻狗耳地下苑材不經務

經苑不能買名時議買苑班匠匠苑垂是也無措其鈎繩無

苑有所則當效駑鈿之用鈿苑勿使將苑造別無

字是也忘其貴賤之禮句下苑有幸勿為過謹脫

荅貞半千書

張評事至至下苑辱惠書及詩辱下苑沈鯁於渤海之

中海當依資江濱洎流之水江濱當依士也士苑作而

詞旨慙慙慙苑作勤勤是也

與博昌父老書

月日月上苑駱賓王致書致上苑幾變光陰變苑十五

年十上苑有過隙不留過上苑室迹人遐室苑情不遺

賓考

遺下苑有書何盡言意苑無意字是也

與親情書

辱逮湮淪湮苑作漂

卷第八雜著

秋日於益州李長史宅宴序

寵辱兩存存苑如歸山簡之池歸苑作臨注

初秋登王司馬樓宴序

交雜佩而薰蘭而苑作以是也映清罇而湛菊映當依

注云非

晦日楚國寺宴序

夫天地交通地交通苑作醉可逃喧醉上苑有

錢宋三之豐城詩序

錢上苑有夏初二字三下苑有少府二字皆是也

帝里天津

帝上苑有況字

秋夜送閻五還潤州序

○斲淹留於一夕

斲上無闕苑可證

秋日餞尹大往京序

三冬懸暢

懸苑作業注云一作懸

用慰九秋

秋下苑有云爾二字

初春邪嶺送益府參軍序

參上苑有竇字軍下苑有宴詩二字

分首三春

春當依苑改秦注云集作春非

雖再言再笑

二再字苑皆作載是也

詠一吟

而上苑有而字是也

秋日餞麴錄事使西州序

于時露團龍

○闕字未詳

賓考

十三

餞李八騎曹詩序

苑無詩字是也

揚州看覓渡序

羅綺蔽雲日

羅綺苑作綺羅

聽清風而更遠

聽當依苑改得

是以眼波

笑臉

眼當依苑改臨

靚粧舊飾

靚當依苑改服

猶賦陳思

猶賦當依苑改獨美

請

各賦詩

詩下苑有云爾二字

秋日與羣公宴序

耀丹彩以成珠

成苑作含

款尔連襟

當依苑改言款朝期

同開筆海

海下

苑有云爾二字

對策文

元后得唐虞之后

當有謬未詳

故當柱幽人

當有謬未詳

卷第九雜著

帝京篇

五緯連影集天躔天苑作星陸賈分金將讌喜讌苑作是也倡婦

銀鉤采薪路薪苑作桑是也且論三萬六千是苑是下無闕柏

梁高宴今何在此下苑有春去春來若自馳爭名爭利徒爾為久留郎署終難遇空掃相門誰

見知四句正與集同或是苑失注

疇昔篇

五霸爭馳千里馬按霸當是陌字之譌歲月春秋屢迴薄苑注云集月歲

脂車秣馬辭鄉國苑注云鄉集劍閣連山千

里色種是也關山迢迢不可越下迢字稍有回有何託稍

平陸春來酒應熟來望三字相將菌閣菌

且用藤盃孟苑作極是也俱倡采菱歌唱苑作是也金谷德明

重遊行德明當依苑改佳期復道郎官稟綸誥誥當依

高門有閣不圖封高當依苑改鄒衍銜悲衝燕

獄李斯抱怨拘秦格衡苑作繫格苑作極

姚州道破逆賊諾波弄揚虔露布姚上苑有兵部奏三字無

緩前禽者就日苑注云緩集去月二十日十下苑有不

踰白馬之盟按喻當是地接周駝周當依苑改非前守

右驍尉驍下苑有騎萬安府長史折衝都尉上柱國郎

將高奴弗郎上苑有中將毅都尉郎上苑有衛諾覽期等期

率府左果毅都尉郎上苑有前左驍衛府

猶致折骸之爨爨苑作請二十日二十下苑是也

斯三字是也

衛苑作騎遣副惣管兼安撫使苑無副惣二字兼守銀

州刺史李天志有上柱國宜春縣開國左下苑是也又按

刻苑脫無以補之率前左衛靜福府是也福苑作初

果毅都尉果上苑有右字尉下有率犀象之卒苑改驅

守雋州都督府長史守上苑有朝散大夫四字史率守

金吾衛守下苑有蹈中權而撫其背按撫當是拊字之

又遣前守右武衛武苑臣率守衛臣下苑有等字守下

下當尚有脫颺塵埃而布地布苑作也謹奉露布以聞謹

苑無以補之器械別簿條上八字皆是也

崇林萬仞崇苑作泓水無九嬰之迹泓苑作泓注云集

賓考

九嬰泓水出淮南子今高誘注本作凶苑作涵者自白

招乘候苑無自馬步二十萬十下苑有餘字按當氣昏

宇宙昏苑作大志等大上苑有遣雋州刺史刺苑作都

字是伏屍百死死當依積負顯於重阜按負當是隕字

非唯賊帥夸干作干苑一鼓而邊隅底定一作再梁待辟奉

露布以聞梁上苑有朝散大夫守雋州都督府長史上

是也

卷第十雜著此卷亦毛晉鈔補

代李敬業檄李苑作徐業下有傳字檄下有天

業以武后臨朝移諸郡縣檄

偽周武氏者苑作偽臨朝武氏者集苑粹皆非陷元

后於翬翟

臨苑作踐注云集

近狎邪佞

佞苑粹皆作僻幽在別

宮

在苑作之二

委以重任

委下苑粹

或居漢地或叶

周親

周親按唐書是也

苑粹同集皆非

合是誰家之天

下

此下苑粹按唐書是也

應詰

詰文是也

余以三伏辰行

辰苑

乃掉尾揚鬢

苑無

余乃祝曰

祝下

之被髮河津

河津當衣苑改阿門

挂鱗置網

鱗置皆依

苑注云

含生之謂道

舍聖也

聖下苑

賢也

賢下苑

得之而捨求

捨苑

懸四海為餌

苑是也

自敘狀

幸屬大鑪

闕字

白賁幽興

按興當

賓考

十六

祭趙郎將文

祭上苑有為李揔管西

夫任賢與能

夫上苑

雖見危授命

雖上苑有

某

苑作

歌起送終之曲

歌苑作

嗚呼

苑下

夕陰曦而平蕪

苑上

晦

曦苑作陰耳苑失注集

脫低

字行陰

哀哉

呼二字

式薦簞醪

作或此誤

駱賓王文集考異畢

許翰寫楊筆刻

17 200

